

萬 有 文 庫

第一集一千種

王雲五主編

宋十六名家詞

(四十)

毛晉編

商務印書館發行

宋十六名家詞

(四十)

毛晉編

國學基本叢書

編主五雲王  
庫文有萬  
種千一集一第  
詞家名十六宋  
冊四十  
編晉毛

路南河海上  
五雲王 人行發  
路南河海上  
館書印務商 所刷印  
埠各及海上  
館書印務商 所行發  
版初月二十年二十二國民華中  
究必印翻權作著有書此

The Complete Library  
Edited by  
Y. W. WONG

THE T'ZŪ BY SIXTY FAMOUS  
POETS OF SUNG DYNASTY

COMPILED BY  
MAO TSIN

PUBLISHED BY Y. W. WONG  
THE COMMERCIAL PRESS, LTD.

Shanghai, China  
1933

All Rights Reserved

知稼翁詞序

淳熙戊申故考功郎莆田黃公公度之子沃通守臨川明年臨川人士得考功樂章其題爲知稼翁詞請鈸之木通守重於諾於余乎質焉余謂樂始有聲次有音最後有調商那周清廟等頌漢郊祀等歌是也夫頌類選有道德者爲之發乎情性歸乎禮義故商周之樂感人深歌則雜出於無賴不羈之士率情性而發耳禮義之歸歟否邪不計也故漢之樂感人淺本朝太平二百年樂章名家紛如也文忠蘇公文章妙天下長短句特緒餘耳猶有與道德合者缺月疎桐一章觸興於驚鴻發乎情性也收思於冷洲歸乎禮義也黃太史相多大以爲非口食煙火人語余恐不食煙火之人口所出僅塵外語於禮義遠計歟考功所立不在文字余於樂章窺之文字之中所立寓焉泉幙之解非所欲去而

寓意於鄰雞不管離情之句祕館之除非所欲就而寓意於殘春已負歸約之句凡感發而輸寫大抵清而不激和而不流要其情性則適揆之禮義而安非能爲詞也道德之美腴於根而益於華不能不爲詞也天於其年苟奪之晚俾更涵養充而大之竊意可與文忠相後先顧余非識者人未必以爲然嘗試志卷端以歸通守通守於家爲賢子於時爲才士夫有志揚其先而不憚鈸之木則傳者日益廣當有大識者出爲考功重其價焉十二月五日奉議郎新知靜江府義寧縣主管勸農公事賜緋魚袋曾丰序

知稼翁詞序 終

知稼翁詞

目錄

點絳脣 一調

千秋歲 一調

菩薩蠻 一調

青玉案 一調

卜算子 一調

好事近 一調

菩薩蠻 一調

卜算子 一調

眼兒媚 一調

朝中措 二調

一翦梅 一調

滿庭芳 一調

浣溪沙 一調

滿庭芳 一調

知稼翁詞目 終

知稼翁詞

宋 黃公度

點絳脣

汪藻彥章出守泉南移知宣城內不自

得乃賦詞云新月娟娟夜寒江淨山含

斗起來搔首梅影橫窓瘦好箇霜天開

却傳杯手君知否亂鴉啼後歸思濃如

酒公時在泉南簽幕依韻作此送之又

有送汪內翰移鎮宣城長篇見集中比

有能改齋湯錄載汪在翰苑婁致言者

嘗作點絳脣云云最末句晚鴉啼後歸

夢濃如酒或問曰歸夢濃如酒何以在

曉鴉啼後汪曰無奈這一隊畜生何不

惟事失其實而改竄二字殊乖本義

嫩綠嬌紅砌成別恨千千斗短亭回首不是綠

春瘦 一曲陽關杯送纖纖手還知否鳳池歸

後無路陪樽酒

千秋歲

賀甫守汪待舉懷忠生日汪報政將歸

因以送之

鬱葱佳氣天降麒麟瑞回首處江城外一麾遺

愛在萬口歡聲沸人乍遠危樓目斷天無際

五馬徘徊地春色隨歸旆壽水綠壺山翠風輕

香篆直日暖歌喉脆椒觴舉人人盡祝千秋歲

菩薩蠻

公時在泉幕有懷汪彥章而作以當路

多忌故託玉人以見意

高樓目斷南來翼玉人依舊無消息愁緒促眉

端不隨衣帶寬 萋萋天外草何處春歸早無

語凭欄杆竹聲生暮寒

青玉案

公之初登第也趙丞相鼎延見款密別

後以書來往秦益公聞而憾之及泉幕  
任滿始以故事 召赴 行在公雖知  
泉不忍聞月落雙溪冷

好事近

非當路意而迫於 君命不敢俟駕故  
寓意此詞道過分水嶺復題詩云誰知

公到 闕除祕書省正字未幾言者迎

不作多時別又題崇安驛詩云睡美生

合秦益公意騰章于 上謂公嘗貽書

憎曉色催皆此意也既而罷歸離臨安

臺官欲著私史以謗時政益公之在泉

有詞云湖上送殘春已負別時歸約則

幕也嘗有啓賀李侍御文會云雖莫倍

公之去就蓋蚤定矣

賓客後塵爲大厦之賀固將續山林野

鄰雞不管離懷苦又還是催人去回首高城音

史記朝陽之鳴因是罷歸將離臨安作

信阻霜橋月館水村烟市總是思君處 裏殘

此詞所謂故園桃李蓋指二侍兒也

別袖燕支雨謾畱得愁千縷欲倩歸鴻分付與

湖上送殘春已負別時歸約好在故園桃李爲

鴻飛不住倚欄無語獨立長天暮

誰開誰落 還家應是荔支天浮蟻要人酌莫

卜算子

把舞裙歌扇便等閑拋却

公赴 召命道遇延平郡讌有歌妓追

菩薩蠻

誦舊事卽席賦此

公罷歸抵家賦此詞先是公有二侍兒

寒透小窓紗漏斷人初醒翡翠屏間拾落釵背

曰情情曰眇眇在五羊時嘗出以侑觴

洪丞相适景伯爲賦眼兒媚詞云瀛仙  
好客過當時錦幌出蛾眉體輕飛燕歌  
欺樊素壓盡芳菲花前一眇嫣然媚灑  
灑舉金卮斷腸狂客只愁徑醉銀漏催  
歸倩倩先公而卒四印居士有悼侍兒  
倩倩詩其一曰蘭質蕙心何所在風魂  
雲魄去難招子規叫斷黃昏月疑是佳  
人恨未消其二曰含怨銜辛情脉脉家  
人強遣試春衫也知不作堅牢玉抵向  
人間三十三四印於公爲兄行名泳字  
宋永 徽廟時以童子 召見賜五經  
及第官止郢州通守

公之從弟童士季其字也以紹興戊午  
同榜乙科及第有和章云不忍更回頭  
別淚多於兩肺腑相看四十秋奚止朝  
朝暮暮何事值花時又是匆匆去過了  
陽關更向西總是思兄處

薄宦各東西往事隨風雨先自離歌不忍聞又  
何況春將暮 愁共落花多人逐征鴻去君向  
瀟湘我向秦後會知何處

眼兒媚

梅詞二首和  
傅參議韻

公時爲高要倅傅參議秀彥濟寓居五  
羊嘗遺示梅詞公依韻和之初公被

召命而西過分水嶺有詩云嗚咽泉流  
萬仞峰斷腸從此各西東誰知不作多  
特別依舊相逢滄海中及公遭謗歸甯  
趙丞相鼎先已謫居潮陽讒者傳會其  
說謂公此詩指趙而言將不久復偕還

卜算子

別士季  
弟之官

眉尖早識愁滋味嬌羞未解論心事試問憶人  
不無言但點頭 嗔人歸不早故把金杯惱醉  
看舞時腰還如舊日嬌



中都也秦益公愈怒至以嶺南荒惡之地處之此詞蓋以自況也

一枝雪裏冷光浮空自許清流如今憔悴蠻煙瘴雨誰肯尋搜 昔年曾共孤芳醉爭插玉釵頭天涯幸有惜花人在杯酒相酬

朝中措

幽香冷艷綴疎枝橫影臥霜溪清楚渾如南郭孤高勝似東籬 歲寒風味黃花盡處密雪飛時不比三春桃李芳菲急在人知

又 梅詞二首賀方帥生朝并序

方務德滋時帥廣東以啟謝云俾爾黃髮欲三壽之作朋遺我綠琴韻雙金之何報嘗邀公至五羊特爲開讌令洪丞相適代爲樂語云雲外神仙何拘弱水海隅老釋始識魁星又寄調臨江仙以侑觴云北斗南頭雲送喜人間快靚魁

星向來平步到蓬瀛如何天上客來佐海邊城方伯娛賓香作穗風隨歌扇涼生且須灑灑引理統十年遲鳳沼萬里寄鴨程及高要倅滿權帥置酒令洪內相景盧邁作樂語有云三山宮闕早窺雲外之遊五嶺烟花行送日邊之去小駐南州之別業肯臨東道之初筵時二洪迭居帥幙下又云欲遠方歆艷於大名故高會動渠於緝禮洪時攝帥司機

宜

玄冥司柄雪敷南畝之豐登庾嶺生輝梅報東君之消息當一陽之來復慶維嶽之降神某官節瑩冰霜家傳清白遐荒草木之細咸識威名調和鼎鼐之功終歸妙手願乘穀旦卽奉芝函某望榮戟以趨風適桑蓬之紀瑞自惟弱植方

雷雨露之深恩強綴蕪辭用祝椿松之  
遐算敢斬采鵬第切兢惶

外心清杖屨間簿書休吏早花鳥向人  
閑舊隱在何許倦遊殊未還天涯賴有  
此退食一開顏和者甚多

層瑤飄絮滿層空人在廣寒宮已覺樓臺改觀  
漸看桃李春融 一城和氣宿筵不夜舞態回  
風正是爲霖手段南來先做年豐

一徑义分三亭鼎峙小園別是清幽曲闌低檻  
春色四時畱怪石參差臥虎長松偃蹇擎虬攜  
笳晚風來萬里冷撼一天秋 優游銷永晝琴

一翦梅

冷艷幽香冰玉姿占斷孤高壓盡芳菲東君先  
暖向南枝要使天涯管領春歸 不受人間鶯  
蝶知長是年年雪約霜期嫣然一笑百花遲調  
鼎行看結子黃時

尊左右賓主風流且偷閑不妨身在南州故國  
歸帆隱隱西崑往事悠悠都休問金釵十二滿  
浣溪沙 時在西園偶成

滿庭芳

公自高要倅攝恩平郡事部有西園乃  
退食游息之地先嘗賦詩其一曰清樾

風送清香過短牆煙籠晚色近修篁夕陽樓外  
角聲長 欲去還畱無限思輕勾淡抹不成粧  
一尊相對月生涼

纔十畝炎陬別一天華堂依怪石老木

滿庭芳

插飛烟長夏絕無暑乘風幾欲仙心閒  
境自勝底處覓林泉其二曰意得壺觴

高要太守章元振重九日爲生朝公以  
此詞和之并序公嘗有和章守三詠所

謂包公堂清心堂披雲樓詩見集中

熊羆入夢當重九之佳辰賢哲間生符

半千之休運孤乘紀瑞籬菊泛金輒敢

取草木之微以上配君子之德雖詞無

作者之妙而意得詩人之遺式殫卑綜

仰祝遐壽

楓嶺搖丹梧階飄冷一天風露驚秋數叢籬下

滴滴曉香浮不趁桃紅李白堪匹配梅淡蘭幽

孤芳晚狂蜂戲蝶長負歲寒愁 年年重九日

龍山高會彭澤清流向樽前一笑未覺淹留况

有甘滋玉鉉佳名算合在金甌功成後夕英飽

餌相伴赤松遊

公既南歸適秦益公薨於是大魁張九

成劉章王佐趙達等以次除召公在一

輩中最久最滯故首被命登對便殿言

中時病上喜勞問再三面除尚書考功

負外郎朝論美其親擢知眷獎之渥繼

見朝夕亡何公得疾卒于位享年四十

有八吁可痛哉在時號知稼翁因以名

集凡十一卷先已命工鋟木而此詞近

方搜拾未得其半姑錄而藏之以傳後

裔謹母逸墜云淳熙十六年重五日男

朝散郎權通判撫州兼管農營田事賜

緋魚袋沃謹澤手識于卷末

知稼翁字師憲世居莆田代多聞人唐御

史滔即其先也先是莆中有識云折却屋

換却椽望京門外出狀元紹興八年孫守

益改翔譙門規樞雄偉甫成公果以文章

魁天下公年四十有八宅邊有大木可被

訕忽仆又自夢雷震閃旗幟股赫擁樹

而去金書化字以示迨屬續之夕果雷雨

大作人甚異之其又靜以本州首貢作南

廟省魁中上舍兩優之選既以公貴贈中  
奉大夫從兄泳以童子召見徽宗賜五經  
及第季弟庚以文苑知名將試禮部適公  
捐館不忍獨留京師同護喪歸殯子五人  
沃洋洧洙皆力學南僧幼未名有文集十  
一卷子沃編以行世丐序于莆田陳俊卿  
鄱陽洪邁洪邁評其詞云宛轉清麗讀者  
咀嚼千齒頰間而不能已又誦其悲秋之  
句曰迢、別浦雙帆去漠、平蕪天四垂  
雨意欲晴山鳥樂寒聲初到井梧知吾不  
知謫仙少陵以還大曆十才子尚能窺其  
藩否可謂贊揚之極矣其居官始末詳于  
龔茂良行狀林大鼐墓誌銘中近來閩中  
鏤板甚善末幅有諱崇翰者紀錄詳摯倘  
歷代先賢名集盡得文孫各為表章如知  
稼翁者不大快耶古雲毛晉識



無住詞

目錄

法駕導引

三調

虞美人

一調

憶秦娥

一調

臨江仙

一調

虞美人

一調

點絳脣

一調

虞美人

一調

漁家傲

一調

虞美人

一調

浣溪沙

一調

玉樓春

一調

清平樂

一調

定風波

一調

菩薩蠻

一調

南柯子

一調

臨江僊

一調

無住詞目錄

終

宋六十名家詞 十四 無住詞目錄

無住詞

宋 陳與義

法駕導引

世傳項年都下市肆中有道人攜烏衣推髻女子買酒獨飲女子歌詞以侑凡九闕皆非人世語或記之以問一道士道士驚曰此赤城韓夫

朝元路朝元路同駕玉華君千乘載花紅一色人間遙指是祥雲回望海光新

又

東風起東風起海上百花搖十八風鬟雲半動飛花和雨著輕綸歸路碧迢迢

又

簾漠漠簾漠漠天澹一簾秋自洗玉舟斟白醴月華微映是空舟歌罷海西流

虞美人

亭下桃花盛開作長短句詠之

十年花底承朝露看到江南樹洛陽城裏又東

風未必桃花得似舊時紅 胭脂睡起春纔好 應恨人空老 心情雖在只吟詩 白髮劉郎孤負

可憐枝

憶秦娥

五日移舟 明山下作

魚龍舞湘君欲下瀟湘浦 瀟湘浦興亡離合亂 波平楚 獨無尊酒酬端午 移舟來聽明山雨

明山雨白頭孤客洞庭懷古

臨江僊

前題

高詠楚詞酬午日天涯節序忽忽榴花不似舞 裙紅無人知此意歌罷滿簾風 萬事一身傷 老矣戎葵凝笑墻東酒杯深淺去年同試澆橋下水今夕到湘中

虞美人

大光祖席醉中賦長短句

張帆欲去仍搔首更醉君家酒吟詩日日待春風及至桃花開後却匆匆 歌聲頻為行人咽 記著尊前雪明朝酒醒大江流滿載一船離恨



向衡州

點絳脣 紫陽寒食

寒食今年紫陽山下蠻江左竹籬烟鎖何處求

新火 不解鄉音只怕人嫌我愁無那短歌誰

和風動梨花朶

虞美人 邢上友會上

超然堂上閒賓主不受人間暑冰盤圍坐此州

無却有一瓶和露玉芙蓉 亭亭風骨涼生牖

消盡尊中酒酒闌明月轉城西照見紗巾藜杖

帶香歸

漁家傲 福建道中

今日山頭雲欲舉青蛟素鳳移時舞行到石橋

聞細雨聽還住風吹却過溪西去 我欲尋詩

寬久旅桃花落盡春無所渺渺藍輿穿翠楚悠

然處高林忽送黃鸝語

虞美人 余甲寅歲自春官出守湖州秋杪道中荷花無復存者乙卯歲自瑣

闌以病得請奉祠卜居青墩鎮立秋後三日行舟之前後如朝霞相映望之不

扁舟三日秋塘路平度荷花去病夫因病得來

遊更值滿川微雨洗新秋 去年長恨拏舟晚

空見殘荷滿今年何以報君恩一路繁花相送

到青墩

浣溪沙 離杭日果仲謀惠酒極清而美七月十二日晚臥小閣已而月上獨酌

送了棲鴉復暮鐘欄干生影曲屏東臥看孤鶴

駕天風 起舞一樽明月下秋空如水酒如空

謫僊已去與誰同

玉樓春 青墩僧舍作

山人本合居岩嶺聊問支郎分半境殘年藜杖

與綸巾八尺庭中時弄影 呼兒汲水添茶鼎

甘勝吳山山下井一甌清露一爐雲偏覺平生

今日永

今日永

清平樂 犀木

黃衫相倚翠葆層層底八月江南風日美弄影

山腰水尾 楚人未識孤妍離騷遺恨千年無

住巷中新事一枝喚起幽禪

定風波 重陽

九日登高有故常隨晴隨雨一傳觴多病題詩

無好句孤負黃花今日十分黃 記得眉山文

翰老曾道四時佳節是重陽江海滿前懷古意

誰會關干三撫獨淒涼

菩薩蠻 荷花

南軒面對芙蓉浦宜風宜月還宜雨紅少綠多

時簾前光景奇 繩牀烏木几盡日繁香裏睡

起一篇新與花爲主人

南柯子 塔院僧閣

矯矯千年鶴茫茫萬里風關干三面看秋空背

插浮屠千尺冷烟中 林場村村暗溪流處處

通此間何似玉霄峰遙望蓬萊依約曉雲東

臨江僊 夜登小閣憶洛中舊遊

憶昔午橋橋上飲坐中多是豪英長溝流月去

無聲杏花疎影裏吹笛到天明 二十餘年如

一夢此身雖在堪驚閒登小閣看新晴古今多

少事漁唱起三更

陳與義字去非其先蜀人東坡所傳陳希

亮公稱者其曾祖也後為汝州葉縣人每

自稱洛陽陳某又別號簡齋少年賦墨梅

詩受知于徽宗遂入中秘建炎中掌帝制

恭紹興大政以詩名世劉後村軒輊元祐

後詩人不出蘇黃二體惟陳簡齋以老杜

為師建炎以後避地湖嶠行路萬里詩益

奇壯或問劉須溪宋詩簡齋至矣畢竟比

坡公何如須溪曰詩論如花論高品則色

不如香論逼真則香不如色雌黃具在予

于其詞亦云古虞毛晉識

無住詞終

後山詞

目錄

菩薩蠻 五調

木蘭花 一調

南柯子 一調

西江月 一調

菩薩蠻 一調

虞美人 一調

木蘭花 一調

南鄉子 二調

西江月 二調

減字木蘭花 一調

滿庭芳 一調

南鄉子 一調

清平樂 二調

南鄉子 一調

羅敷媚 二調

木蘭花 一調

減字木蘭花 一調

臨江僊 一調

南柯子 一調

減字木蘭花 一調

清平樂 二調

卜算子 一調

洛陽春 一調

浣溪沙 一調

臨江僊 一調

清平樂 一調

南鄉子 二調

臨江僊 一調

蝶戀花 一調

西江月 一調

洛陽春 一調

菩薩蠻 一調

減字木蘭花 一調

卜算子 一調

漁家傲 一調

少年遊 一調

南鄉子 一調

減字木蘭花 一調

踏莎行 一調

後山詞目錄 終



俊山詞

宋 陳師道

菩薩蠻

七

行雲過盡星河爛  
爐煙未斷蛛絲滿  
想得兩眉顰  
停鍼憶遠人  
河橋知有路  
不解留郎住  
天上隔年期  
人間長別離

又

東飛烏鵲西飛燕  
盈盈一水經年見  
急雨洗香車  
天回河漢斜  
離愁千載上  
相遠長相望  
終不似人間  
回頭萬里山

又

綺樓小小穿鍼女  
秋光點點珠絲雨  
今夕是何宵  
龍車烏鵲橋  
經年謀一笑  
豈解令人巧  
不用問如何  
人間巧更多

又

銀潢清淺填烏鵲  
画簷急雨長河洛  
初月未成

圓明星惜此筵  
愁來無斷絕  
歲年年別不用淚紅  
滋年年歲歲期

又

髻釵初上朝雲捲  
眼波翻動眉山遠  
一曲杜韋娘  
當年枉斷腸  
佳期如好月  
擬滿還須缺  
別易見應難見  
須仔細看

木蘭花

陰陰雲日江城晚  
小院回廊春已滿  
誰家言語似黃鸝  
深閉玉籠千萬怨  
蓬萊易到人難見  
香火無憑空有怨  
不辭歌裏斷人腸  
只怕有腸無處斷

南柯子

賀彭舍人黃堂成

故國山河在新堂  
冰雪生萬家和氣  
賀初成人在笙歌聲裏  
暗生春  
今代無雙士  
當年第一人  
盃行到手莫辭頻  
明日鳳池歸路隔清塵

西江月

席上勸彭舍人飲

樓上風生白羽尊前笑出青春破紅展翠恰如攬明月

今把酒如何不飲 繡幕燈深綠暗画簾人語

黃昏晚雲將雨不成陰竹月風窗弄影

菩薩蠻 和彭舍人留別

喧喧車馬西郊道臨行更覺人情好任有一年

情去留千載名 誰歌聲欲盡只作常時聽天

上玉堂東陽春是夢中

虞美人 席上贈王提刑

城南觀閣連雲起形像丹青裏使君笳鼓渡江

來盡帶江南春色放春回 青春欲住風催去

流水花無數尊前獨自一番新只有玉樓明月

記遊人

木蘭花 汝陰湖上同東坡用六一居士韻

湖平木落搖空闊葉底流泉鳴復咽酒邊清滿

往時同花裏朱絃織手抹 風光過手春冰滑

十事違人常七八不將白髮並黃花擬下清流

南鄉子 九日用東坡韻

晴野下田收照影寒江落雁洲禪榻茶爐深閉

關颺颺橫雨旁風不到頭 登覽却輕酬刺作

新詩報答秋人意自闌花自好休休今日看時

蝶也愁

又

潮落去帆收沙漲江回旋作洲側帽獨行斜照

裏颺颺卷地風前更掉頭 語妙後難酬回雁

峰南未得秋喚取佳人聽舊曲休休瘴雨無花

孰與愁

西江月 詠除臘菊

點點輕黃減白垂垂重露生鮮肌香骨秀月中

慙雪滿瑤臺曳練 綽約却宜長見清真不假

餘妍慙慙與插小嬋娟要試尊前玉面

又 詠榴花

葉葉枝枝綠暗重重密密紅滋芳心應恨賞春  
遲不會春工著意 晚照酒生嬌面新粧睡汚  
胭脂憑將雙葉寄相思與看釵頭何似

減字木蘭花

清尊白髮曾是登臨年少客不似當年人與黃  
花兩並妍 來愁去恨十載相看情不盡莫更  
思量夢斷春回枉斷腸

滿庭芳

閩嶺先春現函聯璧帝所分落人間綺窗纖手  
一縷破雙團雲裏遊龍舞鳳香霧起飛月輪邊  
華堂靜松風竹雪金鼎沸湔潺 門闌車馬動  
扶黃籍白小袖高鬟漸胸裏輪困肺腑生寒喚  
起謫仙醉倒翻湖海傾瀉瀟瀟笙歌散風簾月  
幙禪榻鬢絲斑

南鄉子

急雨打寒窗雨氣侵燈暗壁缸窗下有人挑錦

字行行淚溼紅綃減舊香 往事最難忘更著  
秋聲說斷腸曲渚圓沙風葉底藏藏誰使鴛鴦  
故作雙

清平樂

休休莫莫更莫思量著記著不如渾忘著百種  
尋思枉却 繡囊錦帳吹香雄蜂雌蝶難雙眉  
上放開春色眼前憐取新郎

又

藏藏摸摸好事爭如莫背後尋思渾是錯猛與  
將來放著 吹花卷絮無蹤晚粧知爲誰紅夢  
斷陽臺雲雨世間不要春風

南鄉子

陰重雨垂垂並馬西郊試薄衣紅蕖未開花已  
過遲遲不見東風著意時 酒到更須辭報答  
春光舊有期勤苦著書妨作樂癡癡莫學衰翁  
萬事非

洛人謂牡丹爲花而不名也向秀  
注莊子示嵇康曰妨人作樂爾



羅敷媚 和氏大夫 醉麟翁

春風吹盡秋光晚，瘦減初黃。改樣新粧，特地相逢只認香。南臺九日登臨處，不共飛觴。鏡裏伊傍，獨秀釵頭殿衆芳。

又

芙蓉不借韶華助，故著緗黃。宿面留粧，不出寒花只暫香。傷春不盡悲秋苦，落葉浮觴。知在誰傍，一笑盈盈百種芳。

木蘭花 和何大夫

榮光休氣天爲瑞，道祖當天傳寶籙。千年昌運此時逢，四海歡聲今日沸。濛濛香霧霑衣膩，漠漠輕寒梅柳細。封人長有祝堯心，從此年年并歲歲。

減字木蘭花 贈晁无咎舞鬟

娉婷娜嫋紅，落東風青子小。妙舞逶迤，拍誤周郎却未知。花前月底誰喚，分司狂御史欲語。

還休喚，不回頭莫著羞。一本云娉婷，莫莫芍藥。枝頭紅玉，小舞袖遲遲。心到那邊客，已知當筵舉酒勸我尊前。松柏壽，莫莫休休，白髮簪花我自羞。

臨江仙

離別尋常，今白首更須竹雨蕭蕭，不應都占世間豪。清風居士手，楊柳洛城腰。文字功名真自誤，從今好月良宵，只消憐取董嬌饒。修門君自到，不用我詞招。

南柯子 同王立之督茶

天上雲爲瑞，人間睡作魔。疎簾清簾汗成河。酒醒夢回，多眼費摩挲。但有寒暄問，初無鳳鳥過。塵生銅碾，網生羅一諾，十年猶未意如何。

減字木蘭花

勺紅點翠，取次梳粧，誰得似風柳腰枝。盡日纖柔屬阿誰。嬌嬌小小，知是尋春人較老。著便休癡付與風流幕下兒。古詞云十五年來從事風流府。清平樂

秋聲隱地葉葉無留意永簾流光團扇墜驚起  
雙棲燕子 夜堂簾合回廊風帷吹亂凝香臥  
看一庭明月曉寒不耐初涼

又

秋光燭地簾幕生秋意露葉翻風驚鶴墜暗落  
青林紅子 微行聲斷長廊熏爐衾換生香滅  
燭却延明月攬衣先怯微涼

卜算子

纖軟小腰身明秀天真面淡畫脩眉小作春中  
有相思怨 背立向人羞顏破因誰情不比陽  
臺夢裏逢親向尊前見

洛陽春

酒到黃波嬌滿和香噴面攀花落雨祝東風請  
不借周郎便 背立腰肢挪撚更須回盼多生  
不作好因緣甚只向尊前見

浣溪沙

算葉朝花種種陳三秋作意向詩人安排雲雨  
娶新情 隨意且須追去馬輕衫從使著行塵  
晚窗誰念一愁新

臨江僊

送疊羅菊  
與趙使君

官樣初黃過九關鮮妍時更宜寒挽回人意不  
成闌香羅堆葉密芳意著心單 過與後房歌  
舞手輕盈喜色生顏墮釵擁髻與垂鬟欲知誰  
稱面徧插一枝看

清平樂

并引詠柑子菊  
勝如王謝家十五女兒而名不足

重重疊疊娜娜裙千礪時樣官黃香百葉一歲  
相逢兩節是歲閏九月  
兩作重陽 曲闌遶徧芳叢一枝

南鄉子

并引  
暈大夫增飾披雲務欲壓

作意妍穠折得有誰相憶却須還與秋風  
所謂英英盼盼者  
英英而盼之子

可勝也作南

鄉子以歌之

風絮落東鄰點綴繁枝旋化塵關鎖玉樓巢燕  
子冥冥桃李摧殘不見春 流轉到如今翡翠  
河回寒日算連峰不許重回顧 水解隨人花

生兒翠作衿花樣腰身官樣立婷婷困倚闌干  
却住衾冷香銷但有殘粧汚淚入長江空幾許  
雙洪一抹無尋處

一欠伸周昉畫美人有背立欠伸者最為妍絕東坡為賦續麗人行  
君天不語朝雲旋作雨塵斷山青  
人已去老幼扶攜淚眼仍回顧下兩句同

又 詠菊

亂葦壓枝繁堆積金錢開作團晚起塗黃仍帶  
淺色千重柔葉深心一點嬌黃只消可意更須

酒看看衣騰腰枝故著單 薄瘦却禁寒牽引  
香好箇風流模樣 玉蕊令誰攀折詩人此日

人心不放闌擬折一枝遮老眼難難蝶橫蜂爭  
淒涼正須蠻素作伊涼與插釵傍鬢上

只倚闌菊色微赤而葉單

洛陽春

臨江僊

素手拈花纖軟生香相亂却須詩力與丹青恐  
俗手難成朵 一顧教人微倩那堪親見不辭

曲巷斜街信馬小橋流水誰家淺粧深袖倚門  
紫袖拂清塵也要識春風面

斜只綠些子意消得百般誇 粉面初生明月  
菩薩髮寄趙使君

酒容欲退朝霞春風還解染霜華肯持鴛綺被  
清詞麗句前朝曲使君借與燈前讀讀罷已三

蝶戀花

送彭舍人罷徐

九里山前千里路流水無情只送行人去路轉  
更寒窗雨打聲 應憐詩客老要使情懷好猶  
有解歌人尊旁未得聽

減字木蘭花

和入對雪

清愁疊積更莫遲留春酒通吹面和風梅信新

來一線通危樓曉望雪滿羣山開畫障目斷

瑤川同凭闌干意幾般

卜算子

送梅花與趙使君

梅嶺數枝春疎影斜臨水不借芳華只自香嬌

面長如洗還把最繁枝過與偏憐底試傍鷺

臺仔細看何似丹青裏

漁家傲

從叔文乞蘇州溼紅菱

一舸姑蘇風雨疾吳牋滿載紅猶溼色闌朝花

光觸日人未識街南小阮應先得青入柳條

初著色溪梅已露春消息擬作新詞耐帝力輕

落筆黃秦去後無強敵

少年遊

御園果子壓枝繁看看分摘無緣團沙弄雪勞

心費手不肯暫時圓賽神舊願心兒有終了

待幾時還巧藥梢頭紅紅白白一種幾千般

南鄉子

嫋娜破瓜餘豆蔻梢頭二月初衆裏腰枝遙可

識應珠暗裏猶能摸得果醉側不須扶喚作

周家行畫圖背立欠伸花絮底知無非信丹青

畫得如

減字木蘭花

今年百五風日清明塵不舉紫秀紅陳三節煙

花次第春來與去馬千念一空春事謝白下

門東誰見初楊弄晚風

踏莎行

紅上花梢風傳梅信青春欲動羣芳競林聲鳥

語帶餘寒江光野色閒遊徑乍雨還晴暄寒

不定重門深院簾帷靜又還日日喚愁生到誰

準擬風流病

后山姓氏爵里已詳載詩話卷尾矣宋人

好著詩話未有著詞話者惟后山集中略  
載一二余漫采錄一帙附于詩餘圖譜之  
後亦可資頌悞周郎一盼也后山云吳越  
後王來朝太祖為置宴出內妓彈琵琶王  
獻詞云金鳳欲飛遭掣搦情脉、看即玉  
樓雲雨隔太祖起拊臂曰誓不殺錢王○  
尚書郎張先善著詞有雲破月來花弄影  
簾幙棒花影墮輕絮無影世稱頌云張三  
影王介甫謂雲破月來花弄影不如李冠  
滕朧淡月雲來去也冠齊人為六州歌頭  
道劉項事慷慨雄偉劉潛大俠也喜誦之  
○徃時青幕之子婦妓也善為詞同府以  
詞挑之妓荅曰清詞麗句永叔子瞻曾獨  
步似恁文章寫得出來當甚強○黃詞云  
斷送一生惟有破除萬事無過蓋韓詩有  
斷送一生惟有酒破除萬事無過酒才去

一字遂為切對而語益峻又云杯行到手  
更留殘不道月明人散謂思相離之憂則  
不得不盡而俗士改為留連遂使兩句相  
失正如論詩云一方明月可中庭可不如  
滿也○柳三變游東都南社二巷作新樂  
府散體從俗天下詠之遂傳禁中仁宗頗  
好其詞每對必使侍從歌之再三三變聞  
之作宮詞號醉蓬萊因內官達後宮且求  
其助仁宗聞而覺之自是不復歌其詞矣  
會改京官乃以無行黜之後改名永仕至  
屯田員外郎○蘇公居穎春夜對月王夫  
人曰春月可喜秋月使人愁耳公謂前未  
及也遂作詞曰不似秋光只與離人照斷  
腸○王惇平甫之子嘗曰今語例襲陳言  
但能轉移爾世稱秦詞愁如海為新奇不  
知李國主已云問君能有幾多愁恰似一

江春水向東流但以江為海耳此皆可采

說未知孰是古虞毛晉識

韵語也余按張三影柳三變二段與他集  
不同客有謂張子野曰人皆謂公為張三  
中即心中事眼中淚意中人也公曰何不  
目為張三影客不曉公曰雲破月來花弄  
影嬌柔懶起簾籠捲花影柳徑無人墮飛  
絮無影此余平生得意句也或又曰子野  
云浮萍過處見山影又云雲破月來花弄  
影又云隔牆送過鞦韆影並贈多人口因  
謂張三影柳三變更名永為屯田員外郎  
會太史奏老人星見時秋霽宴禁中仁宗  
命左右詞臣為樂章內侍屬柳應制柳方  
莫進用作醉蓬萊奏呈上見首有漸字色  
若不憚讀至宸遊鳳輦何靈乃與御製真  
宗挽詞暗合上慘然又讀至太液波翻曰  
何不言波澄投之于地自此不復權用二

後山詞

終



蒲江詞

目錄

賀新郎 二調

宴清都

魚遊春水

倦尋芳

西江月

清平樂

烏夜啼 三調

謁金門 二調

水龍吟 二調

洞仙歌

鷓鴣天 二調

摸魚兒

夜飛鵲慢

漁家傲

木蘭花慢

沁園春

菩薩蠻

滿江紅

好事近

蒲江詞目錄 終





蒲江詞

宋 盧祖皋

賀新郎

彭傳師於吳江三高堂之前作釣雪亭

蓋擅漁人之窟宅以供詩境也趙子野

約余賦之傳師中興詞  
遂作傳師

挽住風前柳問鷗夷當日扁舟近曾來否月落

潮生無限事零落茶煙未久謾畱得尊鱸依舊

可是功名從來誤撫荒詞誰繼風流後今古恨

一搔首江涵雁影梅花瘦四無塵雲飛雲起

夜窗如畫萬里乾坤清絕處付與漁翁釣叟又

恰是題詩時候猛拍闌干呼鷗鷺道他年我亦

垂綸手飛過我共樽酒雲起一  
作風起

又姑蘇臺  
觀雪

十頃涵空碧畫圖中崢嶸勾玉亂零吹壁倚遍

危欄吟不盡把酒風前岸幘記當日西湖為客

誰剪吳松江上水笑乾坤奇事成兒劇還照我

夜窗白 崇臺目斷清無極引枝筇瓊瑤步款

印登臨屐娃館娉婷知何在淚粉愁濃恨積故

化作飛花狼籍舊事悠悠渾莫問有玉蟾醉裏

曾相識聊伴我吹羌笛句相勦應  
作吹羌笛  
勾玉一作勾玉吹羌笛  
一作夜吹笛或前二尾

寒清都初春

春訊飛瓊管風日薄度墻啼鳥聲亂江城次第

笙歌翠合綺羅香暖溶溶澗綠水泮醉夢裏年

華暗換料黛眉重鎖隋堤芳心還動梁苑 新

來雁關雲音鸞分鑑影無計重見啼春細雨籠

愁澹月恁時庭院離腸未語先斷算猶有凭高

望眼更那堪芳草連天飛梅弄晚

魚遊春水離愁

離愁禁不去好夢別來無覓處風翻征袖觸目

年芳如許軟紅塵裏鳴鞭輕拾翠叢中勾伴侶

都負歲時暗關情緒 昨夜山陰杜宇似把歸  
期驚倦旅遙知樓倚東風凝翠暗敲寶香拂拂  
道驚錦心事悠悠尋燕語芳草暮寒亂花微雨

紅袖花庵  
集作紅袂

倦尋芳

春思

香泥壘燕密葉巢鶯看晴寒淺花徑風柔着地  
舞裊紅軟闌草烟欺羅袂薄秋千影落春遊倦  
醉歸來記寶帳歌慵錦屏香燠 別來恨光陰  
容易還又荼蘼牡丹開偏如恨疎狂那更柳花  
迎面鴻羽難憑芳信短長安猶近歸期遠倚危  
樓但鎮日繡簾高捲

西江月

春中

燕掠晴絲裊裊魚吹水葉繡繡禁街微雨灑芳  
塵寒食清明相近 設着宮羅試煖閑呼社酒  
翻春晚風簾幕悄無人二十四番花訊

清平樂

春恨

柳邊深院燕語明如剪消息無憑聽又順隔斷  
畫屏雙扇 寶杯金縷紅牙醉魂幾度兒家何  
處一春遊蕩夢中猶恨楊花

烏夜啼

離恨

柳色津頭泣綠桃花渡口啼紅一春又負西湖  
醉離恨雨聲中 客袂迢迢西塞餘寒剪剪東  
風誰家拂水飛來燕惆悵小樓空

又

湖

漾暖紋波颭颭吹晴絲雨濛濛輕衫短帽西湖  
路花氣撲春曉 鬪草寒衣溼翠秋千瞥眼飛  
紅日長不放春醪困立盡海棠風

又

秋別

段段寒沙淺水蕭蕭暮雨孤蓬香羅不共征衫  
遠砧杵客愁中 別恨慵看楊柳歸期暗數芙蓉  
碧梧聲到紗窗曉昨日幾秋風

謁金門

惜別

蘭棹舉相趁落紅飛去一隙輕簾凝睇處柳絲  
牽不住 昨日翠蛾金縷今夜碧波烟渚好夢  
無憑窗又雨天街知幾許天街一作天涯

又春思

閒院宇獨自來行去花片無聲簾外雨峭寒  
生碧樹 做弄清明時序料理春醒情緒憶得  
歸時停棹處画橋看落絮

水龍吟茶

蕩紅流水無聲暮烟細草粘天遠低回倦蝶往  
來忙燕芳期頰懶綠霧迷墻翠虬騰架雪明香  
燉笑依依欲挽春風教住還疑是相逢晚 不  
似梅粧瘦減占人間丰神蕭散攀條弄菜天涯  
猶記曲闌小院老去情懷酒邊風味有時重見  
對枕幃空想東窓舊夢帶酒離恨帶酒一作帶將

又春思

會昌湖上扁舟幾年不醉西山路流光又是宮

衣初試安榴半吐千里江山滿川烟草薰風淮  
楚念離騷恨遠獨醒人去闌干外誰懷古 亦  
有魚龍戲舞豔晴川綺羅歌鼓鄉情節意樽前  
同是天涯羈旅漲綠池塘翠陰庭院歸期無據  
問明年此夜一眉新月照人何處

洞仙歌茉莉

玉肌翠袖較似荼蘼瘦幾度熏醒夜窗酒問炎  
州何事得許清涼塵不到一段水壺剪就 晚  
來庭戶悄暗數流光細拾芳英點回首念日暮  
江東偏爲魂銷人易老幽韻清標似舊政簾紋  
如水帳如烟更奈向月明露濃時候

鷓鴣天春懷

纖指輕拈小研紅自調宮羽按歌童寒餘芍藥  
欄邊雨香落茶蘼架底風 閒意態小房籠丁  
翠須滿玉西東一春醉得鶯花老不似年時怨  
玉容

又

庭綠初圓結蔭濃香溝收拾樹梢紅池塘少歇  
鳴蛙雨簾幕輕迴舞燕風 春又老笑誰同  
烟斜日小樓東相思一曲臨風笛吹過雲山第

幾重

摸魚兒

九日登姑蘇臺

怪西風曉來欹帽年華還是重九天機袞袞山  
新瘦客子情懷誰剖微雨後更雁帶邊寒裊裊  
欺羅袖慵荷倦柳銷不似黃花田田照眼風味  
儘如舊 登臨地寂寞崇臺最久闌干幾度搔  
首翻雲覆雨無窮事流水斜陽知否吟未就但  
衰草寒煙商略愁時候閒愁浪有總輸與淵明  
東籬醉舞身世付杯酒

夜飛鵲

慢別

驕嘶破清曉分恨臨期花下憇月明知餘光是  
處散離思最憐香靄霏霏牽衣搵彈淚問淒風

愁露剗地東西西  
涼怯幾番羅袂還燕別文梁螢點書幃一自秋  
嬾迢遞黃金對酒爭忍輕揮新來院落雁難尋  
簾幙長垂怕彫梧敲徑驚回舊夢應也顰眉

漁家傲

壽白石先生

白石山中風景異先生日日懷歸計何事黃岡  
飛雪地偏普意画堂却為東坡起 人說前身  
坡老是文章氣節潭相似只待鼎彝勲業遂梅  
花外歸來長向山中醉

木蘭花慢

別西河兩詩僧

嫩寒催客棹載酒去載詩歸政紅葉漫山清泉  
漱石多少心期三生溪橋話別悵薜蘿猶惹翠  
雲衣不似今番醉夢帝城幾度斜暉 鴻飛烟  
水瀾瀾回首處只君知念吳江鷺憶孤山鶴怨  
依舊東西高峯夢醒雲起是瘦吟窗底憶君時  
何日還尋後約為余先寄梅枝

沁園春 雙溪 押韻

幾葉凋楓半篙寒日傍橋繫船愛洞門深鎖人  
間福地雙溪分占天上星躔破帽倚寒短靴敲  
月此地經行知幾年空廡得似沈郎消瘦還欠  
詩篇 沙鷗伴我愁眠向水驛風亭紅蓼邊有  
村醪可飲且須同醉溪魚堪鱸切莫論錢笠澤  
波頭垂虹亭上橙蟹肥時霜滿天相隨否算江  
南北惟有君閒

菩薩蠻 春思

翠樓十二闌干曲雨痕新染蒲萄綠時節又黃  
昏東風深閉門 玉簫吹未徹窗影梅花月無  
語只低眉閒拈雙荔枝

滿江紅 齊雲 月酌

樓倚晴空炎雲淨晚來風力滄海外等閑吹上  
滿輪寒壁河漢低垂天欲近乾坤浩蕩秋無極  
凭欄干衣袂拂青冥知何夕 登眺地追躡昔

吳越事皆陳迹對清光祇有醉吟消得萬古悠  
悠惟月在浮生袞袞空頭白自騎鯨仙去有誰  
知遙相憶

好事近 秋飲

雁外雨絲絲將恨和愁都織玉骨西風添瘦減  
尊前歌力 袖香曾枕醉紅腮依約唾痕碧花  
下凌波入夢引春羅雙鸚

盧祖皋字中之自號蒲江居士永嘉人樓

大防之甥也一時永嘉詩人爭學晚唐體

徐照字道暉徐夔字文淵翁卷字靈舒趙

師秀字紫芝稱為四靈與申之倡和莫能

伯仲惜其詩集不傳黃叔陽謂其樂府甚

工字、可入律呂浙人皆唱之中興集中

幾盡採錄或病其偶句太多未足驚目余

喜其柳色津頭淡綠桃花渡口啼紅較之

秦七鶯囀水花紅溜燕尾點波綠皺不更

鮮秀耶又玉簫吹未徹窗影梅花月無語  
只低眉間拈雙荔枝直可步趨南唐孤枕  
夢回難寒遠小樓吹徹玉笠寒矣至如江  
涵雁影梅花瘦花片無聲簾外雨云云蓋  
古樂府佳句也惜乎蒲江詞一卷僅二  
十有五闕耳古虞毛晉識

烘堂詞

目錄

西江月 一調

鵲橋仙 一調

謁金門 三調

賀新郎 一調

好事近 一調

畫堂春 一調

踏莎行 一調

水調歌頭 一調

菩薩蠻 一調

賀新郎 一調

武陵春 一調

小重山 一調

醉蓬萊 一調

滿江紅 一調

念奴嬌 一調

柳梢青 二調

浣溪沙 一調

菩薩蠻 一調

木蘭花 一調

臨江仙 一調

杏花天 一調

鷓鴣天 一調

踏莎行 一調

水調歌頭 一調

朝中措 一調

玉團兒 一調

一翦梅 一調

水調歌頭 一調

清平樂 一調

瑞鷓鴣 一調

鷓鴣天 一調

減字木蘭花 一調

踏莎行 一調

點絳脣 一調

念奴嬌 一調

減字木蘭花 一調

水龍吟 一調

少年遊 一調

多麗 一調

蝶戀花 一調

滿江紅 一調

浣溪沙 一調

菩薩蠻 一調

念奴嬌 三調

武陵春 一調

暮山溪 二調

滿江紅 一調

蝶戀花 一調

訴衷情 一調

冉冉雲 一調

鷓鴣天 一調

柳梢青 一調

漢宮春 一調

滿江紅 一調

水調歌頭 一調

訴衷情 一調

清平樂 一調

詞目錄





烘堂詞

宋 盧炳

此語真成浪說細思怎得似嫦娥解獨宿廣寒

西江月

柳梢青

殘雪猶餘遠嶺晚煙半隱寒林溶溶春漲綠波  
深時有漁人釣艇 倚岼野梅墜粉蕙溪宮柳  
搖金凭欄凝竚酒初醒料得誰知此景

蘭蕙心情海棠韻度楊柳腰肢步穩金蓮手纖  
春筍膚似凝脂 歌聲舞態都宜拚著箇堅心  
共伊無奈相思帶團寬盡說與教知

念奴嬌

又 蝶

晚天清楚掃太虛纖翳涼生江曲四顧青冥天  
地闊惟有殘霞孤鷺山氣凝藍汀煙引素練  
浮群木白蘋風定波澄萬頃寒玉 時有一葉  
漁舟收綸垂釣來往何幽獨短髮蕭蕭襟袖冷  
便覺都無裨溲曳杖歸來夜深人悄月照鱗  
屋藤牀一枕迥然清夢無俗

雅淡精神鉛黃未洗猶帶殘粧春艷一枝鵝兒  
顏色染就纖裳 月移影轉南窓特地送些兒  
暗香宿酒初醒這般滋味夢斷池塘  
春寂寂節物又催寒食樓上捲簾雙燕入斷魂  
愁似織 門外雨餘風急滿地落英紅濕好夢  
驚回無處覓天涯芳草碧

鵲橋仙

又

餘霞散綺明河翻雪隱隱鵲橋初結牛郎織女  
兩逢迎勝却人間歡悅 一宵相會經年離別

春事寂苦筍鱗魚初食風捲繡簾飛絮入柳絲

榮似織 迅速韶光去急過雨綠陰尤濕回首  
舊遊何處覓遠山空竚碧

又送客

門巷寂梅豆微酸怯食別恨縈心愁易入寸腸  
如網織 去櫓咿啞聲急淚滴春衫輕濕尺素  
待憑魚鴈覓遠煙凝處碧

浣溪沙

水閣無塵午晝長薰風十里藕花香一番踈雨  
釀微涼 旋點新茶消睡思不將醅醖惱詩腸  
闌干倚徧挹湖光

賀新郎

綠遍芳郊未早紅褪香乾堪歎韶華瞬目薄倖  
東皇緣底事得恁匆匆去速正永日初長晴淑  
尤憶夜來成夢處記分明渾似瑤臺宿人語靜  
燕雙逐 紗窓一柱沈煙靦淋浪劇飲高枕  
春醒草屋無計畱春添悵空寫新詞疊幅算

負却照妝画燭欲說縈心些箇事恐教人感損  
眉峰綠慵倚遍画闌曲

菩薩蠻

和韻

夢回小枕欹寒玉博山香暖沈煙續唯薄怯輕  
紗風牽幌帶斜 夜窓雲影細月送花陰至身  
世在陶唐閑愁不掛腸

好事近

庭院欲昏黃秋思惱人情亂寶瑟試彈新曲更  
與誰同伴 陽臺魂夢杳無踪奴住巫山畔不  
以楚襄雲雨渾輪他一半

減字木蘭花

傳消息咫尺還如千里隔欲見無由惹起新  
愁與舊愁 情懷如醉欹枕連宵終不寐無奈  
相思此恨憑誰說與伊

画堂春

輕紅桃杏鬪嬌妍曉來愁倩祥烟霓旌絳節下

雲天行地神仙 盛事頻封錦誥歌聲齊勸金蓮從教滄海變桑田富貴長年

臨江仙 寄老

弱水蓬萊真勝地祥煙閃爍霞旌瑤池驪會下雲軒康寧新喜事淑善舊家聲 戲綵捧鴈真樂事蟠桃獻壽千春從今更願子孫榮加恩封錦誥學道誦黃庭

踏莎行

秋色人家夕陽洲渚西風催過黃華渡江煙引素忽飛來水禽破暝雙去 犇走紅塵棲遲羈旅斷鳴鶴憶江南句白雲低處鴈回峰明朝便踏瀟湘路

杏花天

鑊冰翦玉工夫費做六出飛花亂墜舞風情態誰相似算只有江梅可比 極目處瑤瑤萬里海天闊清寒似水從教高捲珠簾□□□□

□□□

水調歌頭

題蒲圻景星亭上慕容宰

華亭新偉觀勝地得高雄凭欄徙倚要眇萬里景無窮好是江流縈繞那更雲天舒闊壘嶂倚晴空眼界無盡藏懷抱有清風 主人賢開綺席泛金鐘放懷一笑許我滿酌醉顏紅抵恐壘書卽下促起飛鳧東去行作黑頭公還記今朝客曾待一杯全

鷓鴣天

初過清明春晝長紫紅香霧藹華堂朱顏阿母逢生且綵戲兒孫捧壽觴 齊祝頌喜平康天教兩鬢正蒼蒼壺中日月應長久笑看蟠桃幾度芳

菩薩蠻

石榴裙束纖腰裊金蓮穩視弓靴小嬌駭□羞人傘低遮半身 思情如紙薄方信當初錯避

迨苦匆匆還疑是夢中

踏莎行

雅淡客儀溫柔情性偏伊賦得多風韻明眸剪  
出玉為肌鳳鞋弓小金蓮襯 相見雖頻歡娛  
無定蠻牋寫了憑誰問堅心好事有成時須教  
人道都相稱

賀新郎

池館閑凝目有玉人向晚妖嬈洗妝梳束雅淡  
容儀妃子樣羞使臙脂點觸瑩冰雪精神難拘  
好是月明微露下似晚涼初向清泉浴好對我  
笑羞縮 好風拂面渾無俗更撩人倩與異香  
芬馥惹起新愁無著處細與端相未足俏不忍  
遊蜂飛撲可惜伊家嬌媚態問天公底事教幽  
獨待拉向錦屏曲

水調歌頭

風馭過姑射雲珮挹浮丘丁寧月姊為我澄霽

一天秋盡展冰奩玉鑑要看瑤臺銀闕萬里冷  
光浮分與世間景好在水邊樓 想霓裳呈妙  
舞起清謳藍橋何處試尋玉杵恣追遊擬待鉛  
霜擣就緩引瓊漿沈醉誰信是良籌長嘯跨鯨  
背不必願封畱

武陵春

齊何顯夫  
小舟有景

紅荻黃蘆秋已老妝點楚江頭更有吳姬撥小  
橈來往自妖嬈 款款艤舟臨別岫短纜繫花  
梢料得前身是莫愁依舊有風流

朝中措

曉來天氣十分涼時候近重陽村落人家瀟灑  
籬菊有芬芳 年來漸覺詩腸愈窄酒量偏狂  
好景不須放過何妨一醉千觴

小重山

一見情懷便雅投尊前成密約意綢繆已成行  
計理歸舟空相憶無計為伊畱 執別話離愁

縈牽滋味惡在心頭而今無奈阻歡遊些子事  
此恨兩悠悠

玉團兒 用周美成韻

綠雲慢綰新梳束這標致諸餘不俗邂逅相逢  
情懷雅合全似深熟耳邊笑語論心曲把不  
定紅生臉肉若得同歡共伊偕老心事忒足

醉蓬萊 上南安太守庚戌正月

正春回紫陌瑞靄飛浮暖風輕扇皓月初圓覺  
嚴城寒淺綠絲結鰲山紗籠銀燭與花爭艷午夜

融和紅蓮萬頃一齊開遍 訟簡民熙使君行

樂簇擁朱輪旌旗輝煥鼎沸笙歌退行雲不散

咫尺泥封促朝天陛侍玉皇香案來歲元宵龍

燈影裡金杯宜勸

一翦梅 元

燈火樓臺萬斛蓮千門喜笑素月嬋娟幾多急  
筦與繁絃巷陌駢闐畢獻芳筵 樂與民偕五

馬賢綺羅叢裡一簇神仙傳柑雅宴約明年盡  
夕雷連滿汎金船

滿江紅

碧眼真仙算元住蓬萊宮裡記當日等閑跨鶴  
人間遊戲要把忠勲扶帝業更將姓字聯宗系  
擁朱輪特地為萬民來詩書帥 千里地都和  
氣十萬戶生歡喜祝黃堂眉壽歌謠鼎沸莫惜  
春醅供燕豆便承芝檢朝天陛看雲屏隔坐並  
貂蟬雙清貴

水調歌頭 上沈

再拜識英度喜氣覺飛浮神清骨秀元是蓬萊  
謫仙流盃去冲摩霄漢剛向平分風月半刺嶺  
南州素蘊未施展闊步尚淹畱 從此去朝帝  
闕侍宸旒論思獻替要須直與古人侔好是羽  
儀朝著勒就鼎彝勲業却伴赤松遊曳杖太湖  
曲笑傲八千秋

清平樂 木犀

琉璃翦葉點綴黃金屑雅淡幽姿風味別翠影  
婆娑弄月 秋光占斷江南清香鼻觀先參一  
孕折來和露烏雲髻畔斜簪

念奴嬌 白蓮呈羅敷黃法

鑿開方沼問何人種玉工夫奇絕幻出瀛洲有  
十萬水仙羅列風曳瑤琚露零珠佩天上人裝  
結君看炎夏墮來何處冰雪 我來對此涼生  
紅塵飛盡却笑凌波襪最愛幽姿能雅淡自蓄  
芳馨孤潔挹取天漿喚將空籟齊作清歌發不  
知塵世晃然身在瑤闕

又

碧池如染把玻璃斲就織埃都絕西國夫人空  
裏墜圓蓋亭亭排列瑩質無瑕塵心不染遠社  
堪重結當時盛事虎溪茗盃翻雪 千載此意  
誰論人爭買笑醉眼看羅襪坐上如今皆我輩

素蘊從來蠲潔擊節臨風停杯對月浩氣俱英  
發兩翁仙舉玉堂正在金闕

又

好風明月共芙蓉占作人間三絕試問千花還  
敢與英姿同列一曲千鍾凌雲長嘯舒放愁腸  
結人生易老莫教雙鬢添雪 回首蠅利蝸名  
微官多誤自笑塵生襪爭似玉人真嫵媚表裏  
冰壺明潔露下寒生參橫斗轉又聽胡笳發夜  
闌人靜一聲清透雲闕

瑞鷓鴣 除夜依逆旅主人寒雨不止夜酌

客裡驚嗟又歲除蕭蕭寒雨滴茅廬山深溪轉  
泉聲碎夜永風搖燭影孤 冷甚只多燒木葉  
詩成無處寫桃符強酬節物聊清酌今歲屠蘇  
自取疎

武陵春 舟行三衢間江干梅盛開為風雨所如賦此以惜之

常記江南春欲到消息付南枝疎影橫斜照水

時月淡暗香遲 可惜江頭千樹玉雨暗更風  
欺傳語東君管領伊憔悴有誰知

鷓鴣天 席上 戲作

秋月明時雨婦濃衫兒貼體縵輕紅清聲宛轉  
歌金縷纖手殷勤捧玉鍾 嬌姪姘語惺鬆酒  
香沸沸透羞容劉郎莫恨相逢晚且喜桃源路  
已通

驀山溪

淡粧西子怎比西湖好南北兩長隄有卷回樓  
臺多少翠光千頃一片淨琉璃泛蘭舟搖画櫂  
盡日金尊倒 名園精舍總被遊人到年少與  
佳人共攜手嬉遊歌笑夕陽西下沈醉盡歸來  
鞭寶馬開竿隨簇著花藤轎

又 與何遜 夫禽齋

韶華七換阻慶生申旦今日向高堂載卮酒爲  
君滿勸繡簾低掛瑞靄口香濃倩雙娥敲象板

緩緩歌珠貫 芝蘭挺秀俱是皇家彥只這一  
般奇見方寸平生積善幾多厚德天錫與遐齡  
鬢長青顏不老日日開華宴

減字木蘭花

莎衫筠笠正是村村農務急綠水千畦慚愧秧  
針出得齊 風斜雨細麥欲黃時寒又至媿婦  
耕夫画作今年稔歲圖

滿江紅 送趙李行 赴全道

積雨連朝添新漲一篙春碧寒猶在東風料峭  
柳絲無力繫惹画船都不住從教蘭棹雙飛急  
泛大江東去欲何之瓜期迫 龍鍾裔神仙伯  
全閨彥文章客算河陽花縣恁生畱得製錦才  
高書善最鳴琴化冷人懽擇想未容坐暖詔歸  
來君王側

踏莎行 過黃花渡沽白 酒因成呈天休

獵獵霜風濛濛曉霧歸來喜踏江南路千林翠



幄半紅黃試看青女工夫做 茅舍疎籬竹邊

念奴嬌 上巳太守待同  
官曲水園因成

低戶誰家酒滴真珠露旋酤一釀破清寒趁晴

快風收雨正江城初霽物華如許麗日融和春

同過黃花渡

思好是處鶯啼燕語嫩綠成陰落紅堆繡只恐

蝶戀花 和彭孚  
先韻

春將暮園林清晝看看又見飛絮 太守無限

滿架冰蕤開遍了試問花神畱得春多少清勝

風流鈴齋多暇載酒郊原路幾隊旌旗光閃爍

荀香嬌韻好謝庭風月應難到 酒釀新醅名

鼓吹更翻新譜曲水流觴蘭亭修禊俯仰成今

不老醉倒花前真箇無煩惱滿座清歡供一笑

古爲君一醉歸時樓上初鼓

春醒拚却明窓曉

冉冉雲 牡丹盛開招同  
官卜飲賦此

點絳脣

雨洗千紅又春晚畱牡丹倚闌初綻嬌姪姹偏

過眼溪山向來都是經行處驂鸞人去冷落吹

賦精神君看算費盡工夫點染 帶露天香最

簫侶 小立江亭愁對蒹葭浦無情緒酒杯慵

清遠太真妃院妝體段拚對花滿把流霞頻勸

舉開看江楓舞

怕逐東風零亂

訴衷情

減字木蘭花 詠梅呈  
萬敬

無端風雨送清秋天氣冷颼颼行人先自離索

冰姿雪艷天賦精神偏冷淡惟有清香何遜揚

直是不禁愁 思往事憶前遊淚難收重陽近

州暗斷腸 孤芳好處消得騷人題妙句敲敲

也黃花依舊誰伴清颺

寒枝未必生綃画得宜

鷓鴣天

題廣文官舍竹外梅花呈萬教

閣雨浮雲寒尚輕  
商量雪意未全成  
莫嫌竹外蕭然處  
忽有幽香透鼻清  
詩興逸  
酒魂醒  
主人畱客更多情  
不辭滿引成癡客  
且爲梅花醉

一觥

水龍吟

廣韻中秋

晚晴一碧天  
如水風約塵埃都掃  
素娥睡起玉輪穩  
駕初離海表碾破秋雲湧  
成銀闕光欺南斗想  
廣寒宮裡風流女伴應都  
把仙歌奏夜永風生悄悄  
耀冰雪寒侵重嶠  
今宵休道從來此夕陰  
多晴少坐久更深露冷襟袖  
不禁清曉更天風吹下桂香  
拂袂想蟠根老

柳梢青

冬月海棠

笑菊欺梅嫌蜂却蝶  
壓盡寒姿月下精神醉時  
風韻紅透香腮  
天工造化難猜  
甚怪我愁眉未開  
故遣名花凌霜帶露先送春來

少年遊

用周美成韻

繡羅襖子間金絲  
打扮好容儀  
曉雲明肌秋波入鬢  
鞋小步行遲  
冠兒時樣都相稱  
花插棟雙枝倩倩精神  
風流情態惟有粉郎知

漢宮春

向暖南枝最是他  
瀟灑先帶春回  
因何事向歲晚攙占花魁  
天公著意安排巧  
特地教開知道是仙翁  
誕節瓊英要泛金杯  
人學壽陽粧面正  
梁州初按羯鼓聲催  
年年此花開後宴啓蓬萊  
朱顏不老算難教綠野徘徊  
消息好行看父子和羹鼎  
籩鹽梅

多麗

壽郡郎中

慶佳辰熊羆協夢生  
申記當年曾遊月殿笑談  
高躍龍津德彌高源流孔孟才迥出  
黼黻卿雲  
亟步華塗蜚英騰茂姓名端的  
簡楓宸最好是雍容蘭省直道事  
吾君還知否承明倦直來撫

斯民 算人生五馬最貴朱旛回戟行春訟庭  
清祥風和暢鈴齋靜佳氣氤氳壽宴香濃梅繁  
柳嫩年年今日勤芳尊須信道朱顏不老眉壽  
等松椿從茲去袞衣特立廊廟經綸

滿江紅 賀趙縣丞

媚景良時無非是三春富貴花共柳著工夫染  
嫩紅輕翠日麗風和薰協氣鶯吟燕舞皆歡意  
況生辰恰值清明笙歌沸 分天派真龍裔  
到月殿攀仙桂看眉間黃色詔書將至莫向藍  
田分佐理便趨紫禁參朝對問玉皇仙籍注長  
生三千歲

蝶戀花 和人探梅

羅幙護寒遮曉霧愛日烘晴又是廿年華暮滿  
洒江梅爭欲吐暗香漏泄春來處 何日尋芳  
溪畔路翠檣攜筇寫景論心素千里相逢真會  
遇羨君解道江南句

水調歌頭

富貴本何物底用苦趨奔都為造物誤弄人事  
覆來翻須索高標目力覷破祇同兒戲不必更  
重論但願吾長健贏得日加飡 衣輕裘乘駟  
馬駕高軒算來榮耀終輪漁叟釣江村休歎謀  
身太拙未必折腰便是炙手幾曾溫清議不可  
辱千古要長存

滿江紅

菴圃池亭對十萬盈盈粉面依翠蓋臨風一曲  
霓裳舞徧亭上人如蓬鳥客坐中別有飛璫伴  
占世間風月最清涼宜開宴 當盛且歌喉轉  
齊祝壽金尊勸算才華合侍玉皇香案處事從  
來堅持操立朝更要持公論使他時臺閣振風  
聲朝天曉

訴衷情

柴扉人寂草生畦藤蔓亂縈籬秋淨楚天如水

雲葉度牆低 同把盞且伸眉對殘暉紅柴笑  
撚黃菊斜簪戀飲忘歸

浣溪沙

常記京華昔浪遊青羅買笑萬金酬醉中曾此  
當貂裘 自恨山翁今老矣惜花心性謾風流  
清樽獨酌更何愁

清平樂

方池小小風摺玻璃皺數朶荷花開更好把住  
薰風一笑 芳容淡注胭脂亭亭翠蓋相依只  
欠一雙鸚鵡便如画底屏帷

菩薩蠻

用周美成韻

而今怕聽相思曲多情感損眉峰綠惜別上扁  
舟望窮江際樓 蠻牋封了發爲憶人如雪離  
恨寫教看休令盟約寒

盧炳字叔陽自號醜齋多與同官唱和詞

中喜用僻字如神游皺散後子之類異花

烘堂詞

幽鳥雖屬小品亦自可人共六十餘調長  
于描寫令人生画思昔陳去非見顏持約  
画梅題詩云窓前光景晚清新半幅溪籐  
萬里春從此不貪江路遠勝拚心力喚真  
真又云奪得斜枝不放歸倚窓棗月看嘉  
徽墨池雪嶺春俱好付與詩人說是非一  
時賞識家謂詩中有画若烘堂可謂詞中  
有画矣古虞毛晉識



琴趣外篇目錄

卷一

水龍吟

八聲甘州 二調

滿庭芳

鳳凰臺上憶吹簫 二調

摸魚兒

永遇樂

過澗歇

黃鶯兒

消息

梁州令 疊韻

酒泉子

歸田樂

訴衷情

金鳳鈞 二調

生查子

行香子

訴衷情

木蘭花

行香子

阮郎歸

引駕行

卷二

洞僊歌 二調

水龍吟

洞僊歌 二調

行香子

鹽角兒

清平樂

江神子

望海潮

夜合花

下水船

浣溪沙

萬年歡

感皇恩

洞仙歌

喜朝天

生查子

少年遊 二調

滿江紅

離亭宴

千秋歲

迷神引

滿江紅

卷三

古陽關

五蝴蝶

安公子

惜分飛 二調

離亭宴

滿庭芳 三調

尾犯

尉遲杯

八六子

臨江仙 二調

驀山溪 四調

憶秦娥

好事近

阮郎歸 三調

宴桃源

一叢花 三調

卷四

臨江仙 二調

浣溪沙

憶少年

江神子

虞美人

金盞倒垂蓮 二調

西平樂

御街行

生查子

青玉案

水龍吟

雨歌子

醉落魄

萬年歡

臨江仙

虞美人

安公子

綠頭鴨

水龍吟

惜奴嬌

臨江仙 二調

滿庭芳

定風波

千秋歲 二調

鷓鴣天

清平樂

卷五

虞美人

浣溪沙

萬年歡

一叢花

減字木蘭花

菩薩蠻

鷓鴣天

鳳簫吟

梁州令

引駕行

菩薩蠻

點絳脣

上林春

楊柳枝

壽山溪 二調

生查子

少年遊

青玉案

江城子

青玉案

勝勝慢

點絳脣

卷六

永遇樂

虞美人

朝天子

行香子

感皇恩

臨江仙

碧牡丹

少年遊

西江月

鷓鴣天

滿江紅

菩薩蠻

減字木蘭花

臨江仙

二調

紫玉簫

鬪百草

二調

鬪百花

三調

御街行

南歌子

清平樂

好事近

洞仙歌

琴趣外篇目錄

終





琴趣外篇卷一

宋 晁補之

水龍吟

別吳興至  
松江作

水晶宮繞千家下  
山倒影雙溪裏  
白蘋洲渚詩  
成春晚當年此地行  
遍瑤臺弄英攜  
手月嬋娟  
際算多情小杜風流未覩  
空腸斷枝間子  
一似君恩賜與  
賀家湖千峰凝翠  
黃梁未熟紅旌  
已遠南柯舊事  
常恐重來夜闌相對也疑非是  
向松陵回首平蕪盡處人在青  
山外

八聲甘州

揚州次韻和  
東坡錢塘作

謂東坡未老賦歸來  
天未遣公歸向西湖兩處  
秋波一種飛靄澄輝  
又擁竹西歌吹僧老木蘭  
非一笑千秋事浮世危機  
應倚平山欄檻是  
醉翁飲處江雨霏霏  
送孤鴻相接今古眼中稀  
念平生相從江海任飄蓬  
不遣此心違登臨事  
更何須惜吹帽淋衣

又  
歷下  
立春

謂東風定是海東來  
海上最春先乍微陽破臘  
梅心已省柳意都還  
雪後南山聳翠平野欲生  
煙記得相逢日如口上林邊  
莫歎春光易老  
算今年春老還有明年  
款人生難得常好是朱  
顏有隨軒金釵十二為醉嬌  
一曲踏珠筵功名  
事算如何此花下樽前

滿庭芳

赴信日舟中別  
次膺十二叔

鷗起蘋中魚驚荷底  
畫船天上來時翠灣紅渚  
宛似武陵迷更晚青山更好  
孤雲帶遠雨絲垂  
清歌裏金尊未掩誰使動分攜  
竹林高晉阮  
阿咸瀟散猶愧風期便棄官  
終隱釣吳苔磯縱  
是真鴻雲外應念我垂翼  
低飛新詞好他年認  
取天際片帆歸  
風風臺上憶吹簫  
自金鄉之濟至  
羊山迎次膺  
千里相思况無百里何妨  
算往朝還又正是梅

初淡汀禽未綿蠻陌上相逢綬鸞風細細雲日未能去 青綾被莫憶金闈故步儒冠曾把身  
斑斑新晴好得意未妨行盡青山 應攜後房誤弓刀千騎成何事荒了邵平瓜圃君試覘滿  
小妓來為我盈盈對舞花間便拚了恰醪翠滿青鏡星星鬢影今如許功名浪語便似得班超  
蜜炬紅殘誰信輕鞍射虎清世裏曾有人間都封侯萬里歸計恐遲暮

休說簾外久春寒

永遇樂

又

松菊堂深菱荷池小長夏清暑燕引雛還鳩呼

才短官慵命奇人棄年年故里來還記往歲蓮婦佳人靜郊原趣麥天已過薄衣輕扇試起繞  
塘送我遠赴荆蠻莫道風情似舊青鏡裏綠鬢鬪除步聽衡宇欣欣童稚共說夜來初雨 蒼  
新班佳人怪把盞為我微斂眉山 從來嗣宗管徑裏紫葢枝上數點幽花垂露東里催鋤西  
高韻獨見賞青雲覓絕座問設回首平生醉語降助倘相戒清晨去斜川歸興倚然滿日回首  
一夢驚殘莫笑移花種柳應備游投老同間從帝鄉何處只愁恐輕鞭犯夜衝陵舊路  
枯槁松檜耐得霜寒 過淵歇

摸魚兒

東阜 寓石

歸去奈故人尚作青眼相明未許明時歸去後

買陂塘旋栽楊柳依稀淮岸江浦東阜嘉雨新懷處買得東阜數畝靜愛園林趣任過客刺啄  
痕漲沙背鷺來鷗聚堪愛處最好是一川夜月相呼畫高戶 堪笑兒童事業顛向誰語草  
光流者無人獨舞任翠幄張天柔茵藉地酒盡堂人悄圓荷過微雨都付那部一枕清風好夢

初覺砌下槐影方停午

黃鸝兒

南園佳致偏宜暑  
兩雨三三脩簞新笋  
出初齊  
倚倚過簷侵戶聽  
亂蝶  
菱荷風細灑梧桐  
雨午  
餘簾影參差遠  
林蟬聲幽夢殘處  
凝竚既往  
盡成空  
暫遇何曾住  
算人間事豈足  
追思依依  
夢中情緒  
觀數點著浮花  
一縷香  
紫炷怪來人  
道陶潛做得  
羲皇侶

消息

白通管即琵琶  
木通管即琵琶

紅日葵開映  
牆遮暈小齋  
端午盃展荷  
金萍抽  
弄玉幽事  
還吸綠窗纖  
手朱奩輕  
縷爭關絲  
絲艾虎想  
沈江怨魄歸  
來空闕  
對秋奈  
朱顏  
老去清風  
好在未減  
佳辰歡聚  
起嘔酒深  
斟萬  
菹細糝  
團坐從兒  
女  
蓬同子  
美江村  
長夏開  
對燕飛  
鷗舞  
算何須  
楚王  
雉風  
方消畏  
暑

梁州令

田野間來慣睡起  
初驚曉燕  
焦青走挂小簾鈎

南園昨夜細雨紅芳過  
平蕪一帶烟花淺過  
盡南歸雁俱遠  
凭闌送目空腸斷  
好景難常  
占過眼韶華如箭  
莫教過鳩送韶華  
多情楊柳  
爲把長條絆  
清樽滿酌誰爲伴  
花下提壺勸  
何妨醉臥花底  
愁容不上春風面

酒泉子

萱草戎葵松菊堂  
深猶畏暑晚雲催雨  
雷簾櫳  
滿樓風池蓮  
轅倒小蓮紅看掃  
鑑天清似水  
一輪明月却當空  
畫欄中

歸田樂

春又去似別佳人  
幽恨積閒庭院  
翠陰滿  
添晝寂  
一枝梅最好  
至今憶  
正夢斷  
爐烟裊參差  
疎簾隔爲何事  
年年春恨  
問花應會得

訴衷情

送春

東城南陌路  
岐斜芳草遍  
藏遮黃鸝自是來晚

莫恨海棠花 驚雪絮滿天涯送春賒問春莫  
是憶著東君自去還家

金鳳鈎

送春

春辭我向何處怪草草夜來風雨一簪華髮少  
歡饒恨無計帶春且住 春回常恨尋無路試  
向我小園徐步一欄紅藥倚風含露春自未曾  
歸去

又

雪晴閒步花畔試屈指早春將半櫻桃枝上最  
先到却恨小梅芳淺 忽驚拂水雙來燕暗自  
憶故人猶遠一分風雨占春愁一來又對花腸  
斷

生查子

夏日即事

永日向人研百合忘幽草午枕夢初回遠柳蟬  
聲杳 薛井出冰泉洗滄煩襟了却挂小簾鈎  
一縷爐烟裊

行香子

前歲栽桃今歲成蹊更黃鸝久住相知微行清  
露細履斜暉對林中侶閒中我醉中誰 何妨  
到老常閒常醉任功名生事俱非衰顏難強拙  
語多遲但酒同行月同坐影同歸

訴衷情

小園過午便覺涼生翠柏戎葵閒出墻紅萱草  
靜依徑綠還是去年浮瓜沉李追涼故繞池邊  
竹小筵促 忽憶楊梅正熟下山南畔画舸笙  
歌逐愁凝目使君彩筆佳人錦字斷絃怎續盡  
日闌干曲

木欄花

遊觀樓

小樓新砌堪臨遠一帶寒山都入眼人間應未  
覺春歸樓上已先變柳眼 風威自與微陽戰  
雪意不知殘臘換少須文棟燕雙回來看東城  
花一片

行香子

歸鳥翩翩樓上黃昏黯  
天氣殘照餘痕曲闌干  
裏有個愁人向不言  
中千載事一年春  
春來似客春歸如雲  
付樓前行路雙輪傾江  
變酒舉斛爲樽斷浮生  
外愁千丈不關身

阮郎歸

小樓獨上暮鐘時  
紅霞樓外飛烟中  
遠鳥一雙歸  
城門燈火微  
橫短吹傍危梯  
冰輪湧海遲  
天涯幽恨有誰知  
涼風時動衣

引駕行

梅梢瓊綻東君次第開  
桃李痛年年好風景無  
事對花垂淚  
園裏舊賞處  
幽葩柔條一一動  
芳意恨心事  
春來間阻憶年時  
把羅袂雅戲

琴趣外篇卷一

終



琴趣外篇卷二

洞僊歌

花恨月惱更夏有涼風冬軒雪皎閒事不關心  
算四時皆好從來又說春臺登覽人意多同常  
是惜春過了須痛飲莫放歡情草草年少尚  
憶瑤階得雋尋芳驂驛東坡適見垂鞭配海南  
陌又逢低帽鶯花蕩眼功名滿意無限嬉游榮  
華事如夢杳傷富貴浮雲曾紫懷抱為春醉倒  
願花更好春休老開口笑占醉鄉莫教人到

又填虛  
全詩

當時我醉美人顏色如花堪悅今日美人去恨  
天涯離別青樓朱箔嬋娟蟾桂三五初圓傷二  
八還又缺空佇立一望不見心絕心絕 頓成  
淒涼千里音塵一夢歡娛推枕驚巫山遠酒淚  
對湘江瀾美人不見愁人看花心亂含愁奏綠  
綺絃清切何處有知音此恨難說怨歌未闕恐

暮雨收行雲歇窗梅發午似覩芳容冰泮

水龍吟 次韻林聖子惜春

問春何苦匆匆帶風伴雨如馳驟語訖細尋小  
園低檻壘培未就吹盡繁紅占春長久不如垂  
柳算春常不老人愁春老愁只是人問有春  
恨十常八九忍輕辜芳醪經口那知自是桃花  
結子不因春瘦世上功名老來風味春歸時候  
縱博前痛飲狂歌似舊情難依舊

洞僊歌 五首

萼芳老盡海棠花時候雨過寒輕好清晝最妖  
饒一段全是初開雲鬢小塗粉施朱未就 全  
開還自好駘蕩春餘百樣宮羅闌繁繡縱無語  
也心應恨我來遲恰柳絮將春歸後醉猶倚柔  
柯怯黃昏這一點愁須共花同瘦

又梅

年年青眼為江梅腸斷一句新詩思無限向碧



瓊枝上白玉葩中春猶淺一點龍香清遠 誰  
拋傾國艷昨夜前村都恐東皇未曾見正倚墻  
紅杏芳意濃時驚千片何許飄零仙館待冰雪  
彙中看奇姿乍一笑能回上林冬暖

行香子 梅

雪裏清香月下疎枝更無花比竝瓊姿一年一  
見千繞千回向未開時愁花放恐花飛 芳樽  
移就幽葩折取似玉人攜手同歸揚州應記東  
閣逢時恨劉郎誤題詩句怨桃蹊

鹽角兒 卷社 觀梅

開時似雪謝時似雪花中奇絕香非在藁香非  
在萼骨中香徹 占溪風留溪月堪羞損山桃  
如血直饒更疎疎淡淡終有一般情別

清平樂 對晚 菊作

黃花過也月酒何曾把寒蝶多情愛瀟酒晴日  
雙雙飛下 沉吟獨倚朱闌采芳貽向邊枕上

醉排金靨幽香付與誰憐

江神子 卷社 觀梅呈 范守參令

去年初見早梅芳一春怱短紅墻馬上不禁花  
惱只顛狂蘇晉長齋猶好事時喚我舉離觴  
今年春事更茫茫淺宮粧斲人腸一點多情天  
賜骨中香賴有飛鳧賢令尹同我過小橫塘

望海潮 揚州芍 藥會作

人間花老天涯春去揚州別是風光紅藥萬株  
佳名千種天然浩態狂香尊貴御衣黃未便效  
西洛獨占花王困倚東風漢宮誰敢關新粧  
年年高會江陽看家誇絕艷人詫奇芳結藁當  
屏聯葩就幄紅遮綠繞華堂花面映交相更乘  
蘭觀洵幽意難忘罷酒風亭夢魂驚恐在仙鄉

夜合花 和李法季 良牡丹

百紫千紅占春多少共推絕世花王西都萬家  
俱好不為姚黃謾腸斷巫陽對沉香亭北新粧

記清平詞成進了一夢仙鄉 天葩秀出無  
雙倚朝暉半如酣酒成狂無言自有檀心一點  
圖清曉先作宮粧似防人見偷得 真香媚情  
偷芳念住事情傷又新艷曾說滁陽縱歸來晚  
動魄算當時壽陽無此標格應寄揚州何郎舊  
君王殿後別是風光

下水船

和季良  
瓊花

曾相識花似何郎鬢白恐花笑逢花羞摘那堪  
羌管驚心也隨繁杏拋擲

百紫千紅翠唯有瓊花特異便是當年唐昌觀

感皇恩

海榮

中玉藥尚記得月裏仙人來賞明日喧傳都市常歲海棠時偷閒須到多病尋芳懶春老偶來  
甚時又分與揚州本一朶冰姿難比曾向無恰直半謝妖嬈猶好便呼詩酒伴同傾倒 繁  
雙亭邊半酣獨倚似夢覺曉出瑤臺十里猶憶枝高蔭疎枝低繞花底盃盤花影照多情一片  
飛瓊標致

浣溪沙

櫻桃

洞仙歌

菊

雨過園亭綠暗時櫻桃紅顆壓枝低綠兼紅好今春潤好怪重陽菊早滿檻煌煌看霜曉喚金  
眼中迷 荔子天教生處遠風流一種阿誰知 錢翠雨不稱標容瀟酒意陶潛詩中能道 不  
最紅深處有黃鸝

萬年歡

春憶心歸似佳人未來香徑無迹雪裏江梅因

三千漢女偏教明妃怨西風邊草也何必牛山  
苦霑衣算只好龍山醉狂吹帽

喜朝天秦宅海案作

衆芳殘海棠正輕盈綠鬢朱顏碎錦繁繡更乘  
柯映碧纖擲勺殷誰與將紅間白采薰籠仙衣  
覆斑斕如有意濃粧淡抹斜倚闌干 妖嬈向  
晚春後慣困欹晴景愁怕朝寒縱有狂雨便離  
披損不奈幽閒素來會總俗謾遮映終羞格疎  
頑誰采顧斜風教舞月下庭間

生查子梅

青帝晚來風偏傍梅梢緊未放玉肌開已覺籠  
香噴 此意比佳人爭奈非朱粉惟有許飛瓊  
風味依稀近

少年遊次季良韻

廬山瑤草四時春烟鎖上宮門記得南遊偶尋  
飛澗一洗廬公塵 香爐高詠君家事文彩近  
前人他日騎鯨尚憐迷路與問衆仙真

又

如今田野謾拋春紅雨掩衡門懶讀詩書欠伸  
扶杖几案任生塵 從教便向東山老誰知是  
個中人莫怪年來倦尋城市嫌我性情真

滿江紅次韻平汶陽李誠之待制

華鬢春風長歌罷傷今感昨春正好瑤墀已歎  
侍臣冥寞牙帳塵昏餘劔戟翠帷月冷虛絃索  
記往歲龍坂誤曾登今飄泊 賢人命從來薄  
流水意知誰託繞南枝身似未眠飛鵠射虎山  
邊尋舊迹騎鯨海上追前約便與世江湖永相  
忘還堪樂

離亭宴次韻平汶章黃魯直

丹府黃香堪笑章臺墜鞭年少細雨春風花落  
處醉裏中人傳詔却上五湖船悲歌楚狂同調  
青草荆江波渺香爐紫霄簪小人去江山長  
依舊幼婦空傳辭妙灑淚作招魂楓林子規啼  
曉

千秋歲

次韻弔高郵益少海

江頭苑外常記同朝退飛騎軋鳴珂碎齊謳雲

邊扇趙舞風回帶巖鼓斷杯盤舊草猶相對

灑涕誰能會醉藤陰蓋人已去詞空在兔園高

宴怕虎觀英游改重感慨驚濤自卷珠沉海

迷神引

賦玉溪對江山作

黯黯青山紅日暮浩浩大江東注餘霞散綺回

向烟波路使人愁長安遠在何處幾點漁燈小

迷近場一片客帆低傍前浦暗想平生自悔

儒冠誤覺阮途窮歸心阻斷魂素月一千里傷

平楚怪竹枝歌聲聲怨為誰苦猿鳥一時啼驚

島嶼燭暗不成眠聽津鼓

滿江紅

赴玉山之滴與諸父泛舟大澤分題為別

莫話南征船頭轉三千餘里未歎此浮生飄蕩

但傷佳會滿眼青山芳草外半篙碧水斜陽裏

問此中何處芰荷深漁人指清時事羈遊意

盡付與狂歌醉有多才南阮自為知己不似朱  
公江海去未成陶令田園計便楚鄉風景勝吾  
鄉何人對

琴趣外篇卷二終



琴趣外篇卷三

古陽關 寄無敵八弟字買惠

草草蛩吟噎暗柳蛩飛滅空庭雨過西風緊飄黃葉卷書帷寂靜對此傷離別重感歎中秋數日又圓月沙背橋竿上淮水澗有飛鳧客詞珠玉氣冰雪且莫教皓月照影驚華髮問幾時清樽夜景共佳節

玉蝴蝶

暗憶少年豪氣爛南國蓬島風光醉倚吳王宮殿不解悲涼舞猶慵小腰似柳歌尚怯嬌語如簧好林塘玳筵留住彩舫攜將清狂揚州一夢中山千日名利都忘細數從前眼中歡事盡成傷去船迷亂花流水遺佩悄寒草空江黯愁腸暮雲吟斷青鬢成霜

安公子

送進道四弟赴官無爲

柳老荷花盡夜來霜落平湖淨征雁橫天鷗舞

亂魚游清鏡又還是當年我向江南與移畫船深渚蒹葭映對半蒿碧水滿眼青山魂凝一番傷華鬢放歌狂飲猶堪逞水驛孤帆明夜此歡重事省夢回處詩塘春草愁難整宦情與歸期終朝競記他年相訪認取斜川三逕

惜分飛 別吳

山水光中元無暑是我消魂別處只有多情兩會人深意留人住不見梅花來已算未見荷

花又去圖画他年覩斷腸千古苕溪路

又代別

消暑樓前雙溪匝画柱水晶宮裏人共荷花麗更無一點塵埃氣不會使君恁恁至又作恁怒去計誰解連紅袂大家都把蘭舟繫

離亭宴

憶吳興寄余陵懷古

意向吳興假守雙溪四垂高柳儀鳳橋邊蘭舟過暎水雕甍華燭燭下小紅粧爭看使君歸後

攜手松亭雜又題詩水軒依舊多少綠荷相半嶺高韻更難攀

倚恨背立西風回首張望採蓮人煙波萬重吳

岫

滿庭芳

欲買廬山山前三畝小橋橫過松間變名吳市

誰認舊容顏最好樓賢映外應自此都隔塵寰

人倚到壺中化國光景更堪開無心求至道

柴門閉了飽睡甘食幸兒成孫長為掃家山若

問他年歸去蔦地也雙葉來還愁難捨清風萬

壑高處正躋攀

又大韻 李良 芥

閒說秋來乘槎心閒萬夢回三島波間便思黃

帽同我老山頰上眼仙人官府何似我蕭散塵

寰雲無止流泉自急此意本來閒寂寥松桂

圃陪君好語亦可意況瓊枝玉蕊秀滿春山

若問幽棲何意莫道是飛鳥知還無言處孫登

又自通 歸 趙

歸去來兮名山何處夢中虛早嗟峨二林深處

幽士往來多自畫遠公蓮社教兒誦李白長歌

如重到丹崖翠戶瓊草秀金坡生綃雙幅上

諸賢巾屨文彩天梭社中客禪心古井無波我

似淵明逃社怡顏盼百尺庭柯牛湖放淡童任

懶吾已廢鞭蓑

尾犯 廬山 名碧芙蓉 一

廬山小隱漸年來疎懶浸濃歸興綵橋飛過深

溪池底奔雷餘韻香爐照日望處與青霄近想

羣仙呼我應還怪曉來鬢絲垂鏡海上雲車回

朝少姑傳金母信森翠裾瓊佩落日初霞紛紜

相映誰見湖中景花洞裏杳然漁艇別是個蕭

洒乾坤世情塵土休問

尉遲杯 名碧芙蓉 一

去年時正愁絕過却紅杏飛沉吟杏子青時追  
悔負好花枝今年又春到傍小闌日日數花期  
花有信人却無憑故教芳意遲遲 及至待得  
老也青雲往歲心期千鍾百首典來時伯倫從  
婦勸元亮信兒癡

又

融怡未攀條拈葉又歎春歸怎得春如天不老  
更教花與月相隨都將命拚與酬花似岷山落  
吟中相逢俱白首無語對西風 莫道尊前情  
日客猶迷儘歸路拍手闌街笑人沉醉如泥  
調減衰顏得酒能紅可憐此會意無窮夜闌人

八六子

重九卽事呈徐倅祖禹十六叔

總睡獨送菊花叢

暮山溪

譙說飲酒爲字令作

喜秋晴淡雲縈縷天高羣雁南征正露冷初減  
蘭紅風緊潛彫柳翠愁人漏長夢驚 重陽景  
物淒清漸老何時無事當歌好在多情暗自想  
朱顏並遊同醉宦名韁鎖世路蓬萍難相見賴  
有黃花滿把從教綠酒深傾醉休醒醒來舊愁  
旋生

譙園幽古烟鎖前朝檜搖落棗紅時滿園空幾  
株蒼翠史君才譽金殿握蘭人將風調改荒涼  
便是嬉遊地 劉郎莫問去後桃花事司馬更  
堪憐掩金觴琵琶催淚愁來不醉不醉奈愁何  
汝南周東陽沈勸我如何醉

臨江僊

呈祖禹十六叔

又

盡說彭門新半邨昆吾剌玉如泥功名餘事不  
須爲才情詩裏見風味酒邊知 好在阿咸同  
金樽玉酒佳味名仙檜恐是九龍泉堪一飲霜  
毛却翠何須說此只但飲陶陶燈光底百花春



自是仙家地 星郎早貴慣見風流事留我不  
須歸倒樽空燭堆紅淚飛鳥令尹才調更翩翩  
公攜妓 黃菊雖殘堪泛蟻乍寒猶有重陽味  
休弔古枉傷神有興來同醉 應相記坐中小個孟嘉狂醉

又 堯社寄文  
潛舍人

好事近 南都寄  
歷下人

蘭臺仙史好在多情否不寄一行書過西風飛  
鴻去後功名心事千載與君同只狂飲只狂吟  
綠鬢味非舊 山歌村館愁醉潯陽叟且借兩  
州春看一曲樽前舞袖古來畢竟何處是功名  
不同飲不同吟也勸時開口

又 和王定國朝  
故憶廣陵

阮郎歸 同十二叔  
濟州聚溪

揚州全盛往事今何處帆錦兩明珠得舊薇月  
中嬉語朱衣白面分公子似神仙登雲輿臨烟  
渚狂醉成懷古 蘭舟歸後誰與春為主吟笑  
我重來倚瓊花東風日暮胡霜點鬢流落共天  
涯竹西路高陽侶魂夢應相遇 迷停舟憶舊時 雙鴨戲亂鷗飛人家烟雨西  
不成攜手折芳菲蘭橈惆悵歸 又 一濠秋水靜漣漪紅粧照水嬉攀條尋藕怯船  
移浮萍溼繡衣 臨好景惜輕歸夕陽洲渚迷  
城門燈火簇輪蹄沙鷗飛去時

憶秦娥 和留守趙  
無媿送別

又

兒童嬉戲杏花堤春歸不解悲重來草露溼人  
上賜金堪散也未妨山獺溪漁廉頗縱強莫隨  
衣無花空繞枝 曾學道久忘機一樽甘若飴  
年少白馬向黃榆

平生魚鳥與同歸臨風心自知

又再呈十  
二叔

宴桃源

往歲真源謫去紅淚揚州留住飲罷一帆東去  
入楚江寒雨無緒無緒今夜秦淮泊處

飛鳧仙令氣如虹脫屣向塵籠凌煙函象雲臺  
議似眼前百草春風蓋裏聖賢壺中天地高典  
更誰同 應懷得倚大明宮無事老馮公玉山  
且向花間倒任笑從老入花叢三徑步餘一枝

一叢花

謝清倅室室  
令如送酒

王孫眉宇鳳皇雛天與世情疎揚州坐上瓊花

眠穩心事付千鍾

底佩錦囊曾憶奚奴金盞醉揮滿身花影紅袖

競來扶 十年一夢訪林居離決重踟躕應憐

肺病臨邛客寄洞庭春色雙心天氣未佳梅花

正好曾醉燕堂無

又

十二叔節推以毛各生日  
於此聲中焉解依韻和答

碧山無意解銀魚花底且攜壺華顛又喜熊羆

且笑駢驥老反爲駒文史漸拖功名更懶隨處

見真如 高情敢並漢庭疎長揖去田園囊無

琴趣外篇卷三終



琴趣外篇卷四

臨江僊用韻和韓求仁高節留別

曾唱牡丹留客飲明年何處相逢忽驚鵲起落  
梧桐綠荷多少恨回首背西風 莫歎今宵身  
是客一樽未曉猶同此身應似去來鴻江湖春  
水潤歸夢故園中

又同前

常記河陽花縣裏恰如飯顆山逢春城何處滿  
絲桐綸巾并羽扇君有古人風 重向梁王臺  
畔見黃花綠酒誰同新詩別後寄南鴻回頭思  
照碧人在白雲中

浣溪沙廣陵被召留別

慢飲都門春浪驚東飛身與白鷗輕淮山一點  
眼初明 誰使夢回蘭芷國却將春去鳳皇城  
橋鳥風轉不勝情

憶少年別歷下

無窮官柳無情畫弼無根行客南山尚相送只  
高城人隔 翟畫園林溪緝碧算重來盡成陳  
迹劉郎覺如此况桃花顏色  
江神子廣陵送王左丞赴闕  
舊山鉛藥倦樓遲叩宸闈向淮圻五馬行春初  
喜後車隨太守風流容客醉花壓帽酒淋衣  
隋宮烟外草萋萋菊花時動旌旗起舞留公且  
住慰相思王粲詩成何處寄人北去雁南飛  
虞美人廣陵留別  
江南載酒平生事游宦如萍寄蓬山歸路傍銀  
臺還是揚州一夢却驚回 年年后土春來早  
不負金樽倒明年珠璣賞春時應寄瓊花一朶  
慰相思  
金盞倒垂道依詞和文蔚寄揚仲謀觀察  
諸阮英游盡千鍾飲量百丈詞源對舞春風螺  
髻小雙蓮念兩處登高臨遠又傷芳物新年此

淚不待桓伊危柱哀絃 身閒未應無事趕栽 一部妍歌妙舞紫雲回雪親教與恨難訴爭欲

梅徑裏插柳池邊野鶴飄飄幽興在青田也莫攀轅借筇功成繡袞重與江山作主

話書生豪氣更銘功業燕然畢竟得意何如月

御街行 待命護國院不  
符入國門寄內

下花前

又 次韻寄翁師  
楊仲謀交撫

休說將軍解學弓掠地崑嶺河源綵筆題詩綠顏老 斜烟薄雨青林杳猶有鶯聲到西園紅

水映紅蓮算總是風流餘事會須行樂只有一艷綠盤龍辜負一年春好錦城樂事不關愁眼

部隨軒脆管繁絃 多情舊遊尚憶寄秋風萬何似還家早

生查子 舊

里鴻雁天邊未學元龍豪氣笑求田也莫為庭宮裏如娥眉十載辭君去翠袖怯天寒修竹無

槐興歎便傷搖落淒然後會一笑猶堪醉倒花人處 今日近君家望極香車驚一水是紅墻

前 西平樂 廣陵送王  
政正仲赴關

鳳詔傳來絳闕當宁思賢輔淮海甘棠惠化霖 有恨無由語 青玉案

雨商巖古夢熊虎周郊舊卜千秋盛際催促朝 十年不向東門道信匹馬羞重到玉府駭鸞猶

天歸去動離緒 空眷戀難暫住新植雙亭臨 年少宮花頭上御爐烟底常日朝回早 霞觴

水風月佳名未覩準擬金樽時舉況樂府風流 翫手羣僊笑恨塵土人間易春老白髮愁占彤

庭杳紅墻天阻碧濠烟鎖細雨迷芳草

水龍吟

始去齊路逢次  
舊秋表別致舊

去年暑雨鈎盤夜闌睡起同征轡今年芳草齊  
河古岸扁舟同艤萍梗孤蹤夢魂浮世別離常  
是念當時綠鬢狂歌痛飲今憔悴東風裏 此  
去濟南爲說道愁腸不醒猶醉多情北渚兩行  
烟柳一湖春水還唱新聲後人重到應悲桃李  
待歸時攬取庭前皓月也應堪寄

南歌子

蘇園  
作

霜細猶欺柳風柔已弄梅東園搥鼓賞新醅喚  
取舞裙歌扇探春回 妙舞堪千盞長歌可百  
盃笑人將恨上春臺勸我十分一舉兩眉開

醉落魄

用韻和李季  
良泊山口

高鴻遠鷺溪山一帶人煙簇知君船近漁磯宿  
輕素橫溪天淡挂寒玉 誰家紅袖闌干曲南  
陵風軟波平綠幽吟無伴芳樽獨清瘦休文一

夜傷單殺

萬年歡

次韻和  
季良

憶昔論心盡青雲少年燕趙豪俊二十南游曾  
上會稽千仞振袂江中往歲有騷人蘭蓀遺韻  
嗟管鮑當日貧交半成翻手難信 君如未遇  
元禮肯抽身盛時尋我幽隱此事談何容易驥  
才方騁綵舫紅粧圍定笑西風黃花班鬢君欲  
問投老生涯醉鄉岐路偏近

臨江僊

信州  
作

謫宦江城無屋買殘僧野寺相依松間藥臼竹  
間衣水窮行到處雲起坐看時 一箇幽禽綠  
底事苦來醉耳邊啼月斜西院愈聲悲青山無  
限好猶道不如歸

虞美人

羊山饒杜侍郎郡君  
十二姑及外弟天遠

原乘飛盡霜空杳霜夜愁難曉油燈野店怯黃  
昏窮途不減酒杯深故人心 羊山故道行人

少也送行人老一般別語重千金明年過我小園林話如今

安公子 和次 勝叔

少日狂遊好閨苑花間同低帽不恨千金輕散  
盡恨花殘鶯老命小轡翩翩隨處金樽倒從市  
人拍手攔街笑鎮瓊樓歸臥麗日三竿未覺  
迷路桃源了亂山沉水何由到撥斷朱絃成底  
事痛知音人悄似近日曾教青鳥傳佳耗學鳳  
簫擬入烟蘿道問劉郎何計解使紅顏却少

綠頭鴨 韓師朴柯公會上觀 佳妓輕盈彈琵琶

新秋近晉公別館開筵喜清時銜盃樂聖未饒  
綠野堂邊繡屏深麗人乍出坐中雷雨起鷓鴣  
花暖間關冰凝幽咽寶釵搖動墜金鈿未彈了  
昭君遺怨四坐已凄然西風裏香街駐馬嬉笑  
微傳 算從來司空慣斷腸初對雲鬟夜將闌  
井梧下葉砌蛩收響悄林蟬賴得多愁潯陽司

馬當時不在綺筵前競歎賞檀槽倚困沉醉倒  
舫船芳春調紅英翠萼重變新妍

水龍吟 寄留守 無愧丈

滿湖高柳搖風坐看驟雨來湖而跳珠濺玉圓  
荷翻倒輕鷗驚散堂上涼生檻前暑退羅裾凌  
亂想東山謝守綸巾羽扇高歌下青天半 應  
記狂吟司馬去年時黃花高宴竹枝苦怨琵琶  
多淚新年鬢換常恐歸時眼中物是日邊人遠  
望隋河一帶傷心霧靄遣離魂斷

惜奴嬌

歌闕瓊筵暗失金貂似說衷腸丁寧囑付棹舉  
帆開黯行色秋將暮欲去待却回高城已暮  
漁火煙村但觸目傷離緒此情向阿誰分訴那  
裏思量爭知我思量苦最苦睡不著西風夜雨  
臨江僊

身外閒愁空滿眼就中歡事常稀明年應赴送

君詩試從今夜數相會幾多時  
淺酒欲邀誰共勸深情惟有君  
知東溪春近好同歸柳垂江  
上影梅謝雪中枝

又

自古齊山重九勝登臨夢想依依  
偶來恰值菊花時難逢開口笑  
須插滿頭歸昨夜一江風色好  
平明秋浦帆飛可憐如赴史君  
期且當訓令節不用歎斜暉

滿庭芳

鄉物牽情家山回首浩然歸興  
難收報恩心事投老拚悠悠却  
笑當年牛下輕自許激烈寒謳  
成何事夷猶挂楫蘭芷詠芳洲  
人生萍梗迹誰非樂土何處吾  
州算不須臨岐懍愴遲留要  
看香爐瀑布丹楓亂江色凝秋  
真堪與瀟湘暮雨圖上画扁舟

定風波

跨鶴揚州一夢回東風拂面上  
平臺闌苑花前狂覆酒拍手東  
風騎鳳却教來謫好伯陽丹  
井畔官滿平臺還見片帆開上  
界雖然官府好總道散仙無事  
好追陪

千秋歲

玉京仙侶同受琅函結風雨隔  
塵埃絕霞鳴翻手破闌苑花前  
別鶉翼斂人間之梗無由歇  
豈憶山中酒還共溪邊月愁悶  
火時間減何妨心似水莫遣頭  
如雪春近也江南雁識歸時節

又

葉舟容易行盡江南地南雁斷  
無書至嗔君羈旅處見我飄蓬  
際如夢寐當年闌苑曾相對  
休說深心事俱付狂歌醉郎更  
話孤帆起水精溪遠戶雲母山  
相砌君莫去只堪伴我溪山裏

鷓鴣天

欲上南湖絲舫嬉還思北渚與  
嵐倚圍荷蓋水



垂楊岸鴻鴨鴛鴦總下時 持此意遣誰知清  
波還照鬢間絲西樓重唱池塘好應有紅粧斂  
翠眉

清平樂

炎天畏景午漏那堪永何苦相仍愁薄領短壑  
清溪幸與 瑤臺月下曾逢何由却覩冰容一  
笑爲驅煩暑故人元是清風

琴趣外篇卷五

虞美人 用韻答秦令

荒城又見重陽到，狂醉還吹帽。人生開口笑難逢，何況良辰一半別離中。平臺珠履登高處，猶自懷人否。且簪黃菊滿頭歸，惟有此花風韻似年時。

浣溪沙

江上秋風高怒號，江聲不斷雁嗷嗷。別魂迢遞為君銷。一夜不眠孤客耳，邊愁聽雨蕭蕭。碧紗窗外有芭蕉。

萬年歡 寄韻次膺叔

十里環溪記當年，並遊依舊風景。綠舫紅粧重泛九秋清鏡，莫歎歌臺蔓草喜相逢。歡情猶勝蘋洲畔，橫玉驚鷺半天雲。正愁凝，中秋醉魂未醒。又佳辰授衣良會，堪更蚤歲功名。豪氣尚凌汝穎，能致黃金一井也。莫負鴟夷高興，別有

箇薰酒田園醉鄉天地同承

一叢花

東君密意在花心，飛雪戲粧林。多情定怪春來晚，故奇花千點深深。煙柳上輕風，絲曼裊樓閣晚還陰。雕梁雙燕情來，音簾幕鎖沉沉。西城未有花堪採，醉狂與冷落難禁。應約萬紅商量，細細留向未開尋。

減字木蘭花 和宋仁南郡都別

萍蓬行路來不多，時還遣去。會有重來還把清樽此地開。隋河楊柳見我五年三執手，紅淚多情待得重來走馬迎。

菩薩蠻

玉京不許塵容到，疎慵只合疎慵老。鷗鳥共烟波，田夫與醉歌。忘懷無物我，莫似陳驚坐。勲業付長閒，西山爽氣間。鷗鴟天 杜四侍郎郡君十二姑生日

吉夢靈蛇朱夏宜佳辰阿母會瑤池竹風荷雨  
來消暑玉李冰瓜可療飢 心悟了道成時不  
勞龍女聘威儀僧祇世界供遊戲賢懿光陰比  
壽期

鳳簫吟

永嘉郡君生日

曉曠隴風和雨細南園次第春融嶺梅猶妒雪  
露桃雲杏已綻碧呈紅一年春正好助人狂飛  
燕遊蜂更吉夢良辰對花忍負金鍾 香濃博  
山沉水小樓清旦佳氣慈慈舊遊應未改武陵  
花似錦笑語相逢菜宮傳妙訣小金丹同換冰  
容況共有芝田舊約歸去雙峰

梁州令

二月春猶淺去年櫻桃開遍今年春色怪遲遲  
紅梅常早未露臙脂臉 東君遣春來緩似會  
人深願蟠桃新鑊雙盞相期似此春長遠

引駕行

亦名長春

春雲輕鎖春風乍扇園林曉掃華堂正桃李芳  
時誕辰選到年少記絳蠟光搖金猊香郁寶粧  
了驟駿馬天街向晚喜同車詠窈窕 多少盧  
家壺範杜曲家聲榮耀慶孟光齊眉馮唐白首  
鎮同歡笑縹緲待瓊函深討芝田高隱去偕老  
自別有壺中永日比人間好

菩薩蠻

百花含蘊東風裏南園小雨朱扉啓春色一年  
年年花共妍 清談招隱去莫認如竇處華  
髮好風光林間此味長

點絳脣

回雁風微養花濃淡天容好似春知道吉夢佳  
人到 共樂春臺攜手蓬萊小同傾禱願春不  
老歲歲尋芳草

上林春

韓相生日

天惜中秋三夜淡雲占得今宵明月孟陬歲好

金風氣爽清時挺生賢哲相門出相算鍾慶自  
應累葉乍歸來暫燕處共仰赤松高轍想人  
生會須自悅浮雲事笑裏尊前休說舊有衣衣  
公歸未晚千歲盛明時節命圭相印看重賞晉  
公勲業濟生靈共富貴海深天濶

楊柳枝

素色清薰出俗華臘前花軒前愛日掃雲遮幾  
枝斜月淡紗窗香暗透白於沙幽人獨酌對  
芳葩與無涯

驀山溪

鳳皇山下東畔青苔院記得當初個與玉人幽  
歡小宴黃昏風雨人散不歸家簾旌捲燈火顛  
驚擁嬌羞面別來憔悴偏我愁無限歌酒情  
都減也不獨朱顏改變如今桃李湖上泛舟時  
青天曉青山遠願見無由見

又

自來相識比爾情都可咫尺千里算惟孤枕單  
衾知我終朝盡日無緒亦無言我心裏忡忡也  
一點全無那香牋小字寫了千千個我恨無  
羽翼空寂寞青苔院鎖昨朝冤我却道不如休  
天天天不曾麼因甚須冤我

生查子

夜飲別佳人梅小猶飄雪忍淚一春愁過却花  
時節相見話相思重與臨風月休似那回時  
無事還輕別

少年遊

當年攜手是處成雙無人不羨自問阻五年也  
一夢擁嬌嬌粉面柳眉輕掃杏腮微拂依前  
雙鬢盛睡裏起來尋覓却眼前不見

青玉案

三年宋玉墻東畔怪相見常低面一曲文君芳  
心亂忽忽依舊吹散月淡梨花館秋娘苦妒

浮金盞漏些子堪猜是嬌盼歸去相思腸應斷  
五更無寐一懷好事依舊藍橋遠

江城子

贈次膺叔  
家娉娉

娉娉聞道似輕盈好佳名也堪稱楚觀雲歸重  
見小樊驚豆蔻梢頭春尚淺嬌未顧已傾城  
章臺休詠舊青青惹離情恨難平無事飛花撩  
亂撲旗亭不似劉郎春草小能步步伴人行

青玉案

傷娉娉

彩雲易散琉璃脆念往事心將碎只合人間十  
三歲百花開盡丁香獨自結恨春風裏小園  
幽檻經行地恨春草佳名謾拋棄簇蝶羅裙休  
將施香殘燭燼微風觸幔鬢嬌嬾是

勝勝慢

家妓榮奴  
既出有感

朱門深掩擺蕩春風無情鎮欲輕飛斷腸如雪  
撩亂去點人衣朝來半和細雨向誰家東館西  
池算未肯似桃含紅藥留待郎歸 還記章臺

往事別後縱青青似舊時垂瀟岸行人多少竟  
折柔枝而今恨啼露葉鏤香街拋擲因誰又爭  
可如郎誇春草步步相隨

點絳脣

前

檀口星眸艷如桃李情柔惠據我心裏不肯相  
拋棄 哭怕人猜笑又無滋味忡忡地繫人心  
裏一句臨岐誓

琴趣外篇卷五

琴趣外篇卷六

永遇樂

贈雍宅  
琴奴

銀燭將殘玳筵初散依舊愁緒裏凝眸嬌來  
縱體此意難分付憐伊只似風前輕燕好語暫  
來還去重樓靜珠簾休下待掃画梁留住 青  
娥皓齒雲鬢花面見了綺羅無數只你厭厭教  
人竟日一點無由訴如今拚了紫眠惹夢沒個  
頭身心處深誠事驂鸞解佩是許未許

虞美人

內代

梅花時候君輕去曾寄紅牋與胡麻好種少人  
知正是歸時何處誤芳期 誰教又作狂遊遠  
歸路楊花滿當年不負瑣窗春老向長楸走馬  
更愁人

朝天子

酒醒情懷惡金縷褪玉肌如削寒食過却海棠  
花零落 漸日照闌干烟淡薄繡額珠簾籠画

閣春睡者覺來失歡認期約

行香子

贈極  
盛

柳態纖柔雲艷疎明問人來人道輕盈張琵琶  
臉一寸波橫比瀟酒處猶難稱此嘉名 花前  
燭下微嚔淺笑要題詩盞畔低聲司空自慣狂  
眼須驚也不辭寫雙羅帶恐牽情

感皇恩

終歲憶春回西園行盡歡喜梅梢上春信去年  
攜手暗約芳時還近燕來鶯又到人無準 憑  
誰向道流光一瞬佳景間無事衣褪春歸何處  
又對飛花難問舊歡都未遇成新恨

臨江僊

內代

馬上忽忽聽鶯喜朦朧月淡黃昏碧羅雙扇擁  
朝雲粉光先辦臉朱色怎分唇 暫別寶奩蛛  
網遍春風淚污榴裙香牋小字寄行雲纖腰非  
學楚寬帶為思君

碧牡丹 王晉卿都尉宅觀舞

院宇簾垂地銀箏雁低春水送出燈前婀娜腰  
心一動亂如絲夕陽芳草本無恨才子佳人空  
肢柳細步蹙香裊紅浪隨鴛履梁州紫鳳翹墜  
自悲

棟輕體 繡帶因風起霓裳恐非人世調促香

滿江紅 寄內

檀困入流波生媚上客休辭眼亂樽中翠玉階  
月上西窗書幃靜燈明又滅水漏澁銅壺香燼  
夜霜如雪睡眠不曾通夕閉夢魂爭得連宵接  
念碧雲川路古來長無由越 鸞釵重青絲滑  
霜透羅袂

少年遊

前時相見樓頭窗畔樽酒望銀蟾如今間阻銀  
蟾又滿小閣下珠簾 願得吳山前雨長恁  
晚廉纖不見樓頭嬋娟月且寂寞閉窗眠  
年佳意氣漸當故里春時節歸去來莫教子規  
啼芳菲歇

西江月

菩薩蠻 代歌者怨

似有如無好事多難少會幽懷流鶯過了又蟬  
綠篔簹好鶯羞巧紅檀微映燕脂小當口斂雙  
催腸斷碧雲天外 不寄書還可恨全無夢也  
蛾曲中幽恨多 知君憐舞袖舞要歌成就獨  
堪猜秋風吹淚上樓臺只恐朱顏便改  
舞不成妍因歌舞可憐

鷓鴣天

減字木蘭花 陳旼

繡幕低低拂地垂春風何事入羅幃胡麻好種  
娉娉嫋嫋紅落東風青子小妙舞委地拍誤周

那却未知 花前月底誰喚分司狂御史欲語  
還休喚不回頭沒著羞

臨江仙

離別尋常今白首更須竹雨瀟瀟不應都占世  
間豪清風居士手楊柳洛城腰 文子功名真  
自誤從今好月良宵只消憐取董嬌饒修門君  
自到不用我詞招

又見連州見和

君似蒼崖千仞竹一枝孤映萬蕭簟瓢不減萬  
鍾豪閒情搔短髮佳句詠纖腰 罷酒蘭舟回  
楚柂相思何處今宵淮南幽桂水雲饒他年春  
草恨應有小山招

紫玉簫

過堯民金部四叔位見  
韓相家姬輕盈所留題

羅綺叢中笙歌叢裏眼狂初認輕盈無花解比  
似一鈞新月雲際初生算不虛得郎占與第一  
佳名卿歸去那知有人別後牽情 襄王自是

春夢休說東牆事更難憑誰教慕宋要題詩  
曾倚寶柱低聲似瑤臺曉空暗想裏飛瓊餘  
香冷猶在小窗一到魂驚

鬪百草

別日常多會時常少天難曉正喜花開又愁花  
謝春也似人易老慘無言念舊日朱顏清歡莫  
笑便再苒如雲霏似雨去無音耗 追想墻頭  
梅下門裏桃邊名利爲伊都忘了血寫香箋淚  
封羅帕記三日離腸恨攪如今事十二樓空憑  
誰到此情悄擬回船武陵路杳

又

往事臨邛舊遊雅態羞重憶解賦才高好音情  
瑟琴裏句中暗識正當年以閨苑瓊枝朝朝相  
倚便滌器何妨當壚正好鎮同比翼 誰使寒  
裳珮失推枕雲歸惆悵至今遺恨積雙鯉書來  
大刀詩意縱章臺青青似昔重尋事前度劉郎



轉愁寂謾贏得對東風對花歎息

鬪百花

汝妓  
鬪麗

小小盈盈珠翠憶得眉長眼細曾共映花低語

已解傷春意重向溪堂臨風看舞梁州依舊

照人秋水轉更添姿媚 與問階上箴錢時節

記微笑但把纖腰向人嬌倚不見還休誰教見

了厭厭還是向來情味

又

臉色朝霞紅膩眼色秋波明媚雲度小釵濃鬢

雲透輕綃香臂不語凝情教人喚得回頭斜盼

未知何意百態生珠翠 低問石上鑿井何由

及底微向耳邊同心有緣千里飲散西池涼蟾

正滿紗窗一語繫人心裏

又

斜日東風深院繡幕低迷歸燕瀟灑小屏嬌面

鬢髻燈前初見與選筵中銀盆半折姚黃插向

鳳皇釵畔微笑遮純扇 教展香衲看舞霓裳

促遍紅毳翠綈驚鴻乍拂秋岸柳困花慵盈盈

自整羅巾須勸倒金盞

御街行

天街月照珠簾粉鞦韆曾相近繁華樂事老來

慵對酒尚憐佳景王孫年少風流應更無奈春

愁悶 幽期莫誤香閨恨羅帶今朝褪月圓花

好一般春觸處總堪乘興有人惆悵何如歸好

相見憑君問

南歌子

睡起臨窗坐粧成傍砌聞春來莫捲繡簾看嫌

怕東風吹恨在眉間 鸚鵡花前弄琵琶月下

彈幕然收袖倚闌干一向思量何事點雲鬢

清平樂

寒風雁度聲向千門去也到文闈校文處也到

文君繡戶 背燈解帶驚魂長安此夜秋聲早

是夜寒不寐五更風雨無情

好事近

歸路苦無多正值早秋時節應是画簾靈鷲把  
歸期先說就中風送馬蹄輕人意漸歡悅此  
夜醉眠無夢任西樓斜月

洞僊歌

泗州中秋作此  
絕筆之詞也

青烟蕪處碧海飛金鏡永夜閒階臥桂影露涼  
時零亂多少寒蠶神京遠惟有藍橋路近水  
晶簾不下雲母屏開冷浸佳人淡脂粉待都將  
許多明月付與金尊投曉共流霞傾盡更攜取  
胡牀上南樓看玉做人間素秋千頃

琴趣外篇六卷宋左朝奉祕書省著作郎

充秘閣校理國史編修官齊北冕補之元

啓長短句也其所為詩文凡七十卷自名

雜助集惟詩餘不入集中故云外篇昔年

見吳門鈔本混入趙文寶諸詞亦名琴趣

外篇蓋書賈射利眩人耳目最為可恨余

已釐正介菴詞辨之詳矣元答雖游戲小

詞不作綺艷語殆因法秀禪師諱、戒山

谷老人不敢以筆墨勸淫耶大觀四年卒

于泗州官舍自画山水留春堂大屏上題

云胸中正可吞雲夢瑤底何妨對聖賢有

意清秋入衡霍為君無畫寫江天又詠洞

仙歌一闋遂絕筆不知何故逸去今依花

菴詞客附諸末幅古虞毛晉識

琴趣外篇卷六

終

